



# বীরাজনা কাব্য ।

## প্রথম সর্গ ।

### দুয়ন্তের প্রতি শকুন্তলা ।

[ শকুন্তলা বিশ্বামিত্রের ঔরসে ও মেনকানারী অপসারার গর্ভে জন্মগ্রহণ করিয়া, জনক জননী কর্তৃক শৈশবাবস্থায় পরিত্যক্ত হওয়াতে, কণ্ঠমুনি তাঁহাকে প্রতিপালন করেন । একদা মূনিবরের অশুপস্থিতিতে রাজা দুয়ন্ত যুগয়া প্রসঙ্গে তাঁহার আশ্রমে প্রবেশ করিলে, শকুন্তলা রাজ-অতিথির যথাবিধি অতিবিশংকার সম্পন্ন করিয়াছিলেন । রাজা দুয়ন্ত, শকুন্তলার অসাধারণ রূপলাবণ্যে বিমোহিত হইয়া, এবং তিনি যে ক্ষত্রকুলোদ্ভবা, এই কথা শুনিয়া, তাঁহার প্রতি প্রেমাঙ্গু হন । পরে রাজা তাঁহাকে গুপ্তভাবে গান্ধর্ব বিধানে পরিণয় করিয়া স্বদেশে প্রত্যাগমন করেন । রাজা দুয়ন্ত, অরাজ্যে গমনান্তর, শকুন্তলার কোন তৎসাবধান না করাতে, শকুন্তলা রাজ সমীপে এই নিম্নলিখিত পত্রিকাথানি প্রেরণ করিয়াছিলেন । ]

বন-নিবাসিনী দাসী নকৈরাজপদে,

রাজেন্দ্র ! যদিও তুমি ভুলিয়াছ তারে,

ভুলিতে তোমারে কতু পারে কি অভাগী ?

হাস্ত, আশামদে যত আমি পাগলিনী !

হেরি যদি ধূলারানি, হে নাথ, আকাশে ;

পবন-স্বনন যদি শুনি দূর বনে ;  
 অমনি চমকি ভাবি,—মদকল করী,  
 দিবিধ রতন অঙ্গে, পশিছে আশ্রমে,  
 পদাতিক, বাজীরাজী, সুরথ, সারথি,  
 কিস্কর, কিস্করী সহ ! আশার ছলনে, ১০  
 প্রিয়স্বদা, অনসূয়া, ডাকি সখীদ্বয়ে ;  
 কহি—‘ হ্যাদে দেখ, নই, এত দিনে আজি  
 স্মরিলো লো প্রাণেশ্বর এ তাঁর দাসীরে !  
 ওই দেখ, ধূলারাশি উঠিছে গগনে !  
 ওই শোন্ কোলাহল ! পুরবাসী যত ১৫  
 আসিছে লইতে ঝরে নাথের আদেশে !’  
 নীরবে ধরিয়া গলা কাঁদে প্রিয়স্বদা ;  
 কাঁদে অনুসূয়া সহি বিলাপি বিবাদে !

দ্রুতগতি ধাই আমি সে নিকুঞ্জ-বনে,  
 যথায় হে মহীনাথ, পূজিছু প্রথমে ২০  
 পদযুগ ; চারি দিকে চাহি ব্যগ্রভাবে ।  
 দেখি প্রফুল্লিত ফুল, মুকুলিত লতা ;  
 শুনি কোকিলের গীত, অলির গুঞ্জর,  
 স্রোতোনাদ ; মরমরে পাতাকুল নাচি ;  
 কুহরে কপোত, সুখে বৃক্ষশাখে বসি, ২৫  
 প্রেমালাপে কপোতীর মুখে মুখ দিয়া ।  
 সুধি গঞ্জি ফুলপুঞ্জে ;—‘ রে নিকুঞ্জশোভা,  
 কি সাথে হাসিস্ তোরা : কেন সমীরণে  
 বিতরিস্ আজি হেথা পরিমল-সুধা ?’

কহি পিকে,—‘ কেন তুমি, পিককুল-পতি, ৩০  
এ স্বরলহরী আজি বরিষ এ বনে ?

কে করে আনন্দধ্বনি নিরানন্দ কালে ?

মদনের দাস মধু ; মধুর অধীনে

তুমি ; সে মদন মোহে যার রূপ গুণে,

কি সুখে গাও হে তুমি তাঁহার বিরহে ?’ ৩৫

অলির গুঞ্জর শুনি ভাবি—মৃদু স্বরে

কাঁদিছেন বনদেবী দুঃখিনীর দুঃখে !

শুনি শ্রোতোনাদ ভাবি—গম্ভীর নিনাদে

নিন্দিছেন বনদেব তোমায়, নৃমণি,—

কাঁপি ভয়ে—পাছে তিনি শাপ দেন রোষে । ৪০

কহি পত্রে,—‘ শোন্, পত্র ;—সরস দেখিলে

তোরে, সমীরণ আসি নাচে তোরে লয়ে

প্রেমামোদে ; কিন্তু যবে শুখাইস্ কালে

তুই, ঘৃণা করি তোরে তাড়ায় সে দূরে ;—

তেমতি দাসীরে কি রে ত্যজিলা নৃপতি ?’ ৪৫

যুদি পোড়া আঁখি বসি রসালের তলে ;

ভ্রাস্ত্রমদে মাতি ভাবি পাইব সত্বরে

পাদপদা ! কাঁপে হিয়া ঢুকঢুক করি

শুনি যদি পদশব্দ ! উল্লাসে উন্মীলি

নয়ন, বিষাদে কাঁদি হেরি কুরঙ্গীরে ! ৫০

গালি দিয়া দূর তারে করি করাঘাতে !

ডাকি উচ্চে অলিরাজে ; কহি,—‘ ফুলসখে

শিলীমুখ, আসি তুমি আক্রম গুঞ্জরি

এ পোড়া অধর পুনঃ ! রক্ষিতে দাসীরে  
সহসা দিবেন দেখা পুরু-কুল-নিধি !’ ৫৫

কিন্তু রুখা ডাকি, কান্ত । কি লোভে ধাইবে  
আর মধুলোভী অলি এ মুখ নিরখি,—  
শুখাইলে ফুল, কবে কে আদরে তারে ?

কাঁদিয়া প্রবেশি, প্রভু, সে লতামণ্ডপে,  
যথায়—ভাবিয়া দেখ, পড়ে যদি মনে, ৬০

নরেন্দ্র ; যথায় বসি, প্রেমকুতূহলে,  
লিখিল কমলদলে গীতিকা অভাগী ;—

যথায় সহসা তুমি প্রবেশি, জুড়ালে  
বিষম বিরহজ্বালা ! পদ্যপর্ণ নিয়া  
কত যে কি লিখি নিত্য কব তা কেমনে ? ৬৫

কভু প্রভঞ্নে কহি কৃতাজলি-পুটে ;—

‘উড়ায় লেখন মোর, বায়ুকুলরাজা,

ফেল রাজ-পদ-তলে যথা রাজালায়ে

বিরাজেন রাজাসনে রাজকুলমণি !’

সম্বোধি কুরঙ্গ কভু কহি শূন্যমনে ;— ৭০

‘মনোরথ গতি তোরে দিয়াছেন বিধি,

কুরঙ্গ ! লেখন লয়ে, যা চলি সত্ত্বরে

যথায় জীবিতনাথ ! হায়, মরি আমি

বিরহে ! শৈশবে তোরে পালিনু যতনে ;

বাঁচা রে এ পোড়া প্রাণ আজি রূপা করি !’ ৭৫

আর যে কি কই করে, কি কাজ কহিয়া,  
নরেন্দ্র ? ভাবি দেখ, পড়ে যদি মনে,

অনসূয়া প্রিয়স্বদা সখীদ্বয় বিনা,  
 নাহি জন জানে, হায়, এ বিজন বনে  
 অভাগীর দুঃখ-কথা ! এ দুজন যদি ৮০  
 আসে কাছে, মুছি আঁখি অমনি ; কেননা  
 বিবশা দেখিলে মোরে রোষে ঋষিবালা,  
 নিন্দে তোমা, হে নরেন্দ্র, মন্দ কথা কয়ে !—  
 বজ্রসম অপবাদ বাজে পোড়া বুকে !

ফাটি অস্তুরিত রাগে—বাক্য নাহি ফোটে ! ৮৫

আর আর স্থল যত,—কাঁদিয়া কাঁদিয়া  
 ভ্রমি সে সকল স্থলে ! যে তরুর মূলে  
 গান্ধর্ববিবাহচ্ছলে ছলিলে দাসীরে,  
 যে নিকুঞ্জে ফুলশয্যা সাজাইয়া সাধে  
 সেবিল চরণ দাসী কানন-বাসরে,— ৯০  
 কি ভাব উদয়ে মনে, দেখ মনে ভাবি,  
 ধীমান্, যখন পশি সে নিকুঞ্জ-ধামে !—  
 হে বিধাতঃ, এই কি রে ছিল তোর মনে ?  
 এই কি রে ফলে ফল প্রেমতক-শাখে ?

এই রূপে ভ্রমি নিত্য আমি অনাধিনী,  
 প্রাণনাথ ! ভাগ্যে বৃদ্ধা গৌতমী তাপসী ৯৫  
 পিতৃষসা,—মনঃ তাঁর রত তপজপে ;  
 তা না হলে, সৰ্বনাশ অবশ্য হইত  
 এত দিনে ! নাহি সাধ বাঁধিতে কবরী  
 ফুলরত্নে আর, দেব ! মলিন বাকলে ১০০  
 আবরি মলিন দেহ ; নাহি অশ্বে কচি ;

না জানি কি কহি কারে, হায়, শূন্যমনে !  
 বিবাদে নিশ্বাস ছাড়ি, পড়ি ভূমিতলে,  
 হারাই সতত জ্ঞান ; চেতন পাইয়া  
 মিলি যবে আঁখি, দেখি তোমায় সম্মুখে ! ১০৫  
 অমনি পসারি বাহু ধাই ধরিবারে  
 পদযুগ ; না পাইয়া কাঁদি হাহারবে !  
 কে কবে, কি পাপে সহি হেন বিড়ম্বনা !  
 কি পাপে পীড়েন বিধি, সুধিব তা কারে ?  
 দয়া করি কভু যদি বিরামদায়িনী ১১০  
 নিদ্রা, সুকোমল কোলে, দেন স্থান মোরে,  
 কত যে স্বপনে দেখি, কব তা কেমনে ?  
 স্বর্ণ-রত্ন-সংঘটিত দেখি অটালিকা ;  
 দ্বিরদ-রদ-নির্মিত ছয়ারে ছয়ারী  
 দ্বিরদ ; সুবর্ণাসন দেখি স্থানে স্থানে ; ১১৫  
 ফুলশয্যা ; বিদ্যাধরী-গঞ্জিনী কিঙ্করী ;  
 কেহ গায়, কেহ নাচে ; যোগায় আনিয়া  
 বিবিধ ভূষণ কেহ ; কেহ উপাদেয়  
 রাজভোগ ! দেখি মুক্তা মণি রাশি রাশি,  
 অলকা-সদনে যেন ! শুনি বীণা-ধ্বনি ; ১২০  
 গন্ধামোদে মাতে মনঃ, নন্দন কাননে—  
 ( শুনেছি এ কথা, নাথ, তাত কণ্ঠমুখে )  
 নন্দন কাননাস্তুরে বসন্তে যেমনি !  
 তোমায়, নৃমণি, দেখি স্বর্ণ সিংহাসনে !  
 শিরোপরি রাজছত্র ; রাজদণ্ড হাতে, ১২৫

মণ্ডিত অমূল-রত্নে ; সসাগরা ধরা,  
রাজকর করে, নত রাজীব-চরণে !

কত যে জাগিয়া কাঁদি কব তা কাহারে ?

জানে দাসী, হে নরেন্দ্র, দেবেন্দ্র-সদৃশ  
ঐশ্বর্য্য, মহিমা তব ; অতুল জগতে ১৩০

কুল মান ধনে তুমি, রাজকুলপত্তি !

কিন্তু নাহি লোভে দাসী বিভব ! সেবিবে  
দাসীভাবে পা দুখানি—এই লোভ মনে,—

এই চির-আশা, নাথ, এ পোড়া হৃদয়ে !

বন-নিবাসিনী আমি, বাকল-বসনা, ১৩৫

ফলমূলাহারী নিত্য, নিত্য কুশাসনে

শয়ন ; কি কাজ, প্রভু, রাজমুখ-ভোগে ?

আকাশে করেন কেলি লয়ে কলাধরে

রোহিণী ; কুমুদী তাঁরে পূজে মর্ত্যতলে !

কিঙ্করী করিয়া মোরে রাখ রাজপদে ! ১৪০

চির-অভাগিনী আমি ! জনক জননী

ত্যজিলা শৈশবে মোরে, না জানি, কি পাপে ?

পরান্নে বাঁচিল প্রাণ—পরের পালনে !

এ নব যৌবনে এবে ত্যজিলা কি তুমি,

প্রাণপতি ? কোন্ দোষে, কহ, কান্ত, শুনি, ১৪৫

দাসী শকুন্তলা দোষী ও চরণ-যুগে ?

এ মনে যে মুখ-পাখী ছিল বাসা বাঁধি,

কেন ব্যাধবেশে আসি বধিলে তাহারে,

নরাধিপ ? শুনিয়াছি রথীশ্রেষ্ঠ তুমি,

বিখ্যাত ভারতক্ষেত্রে ভীম বাহুবলে ; ১৫০  
 কি যশঃ লভিলা, কহ, যশস্বি, বিনাশি—  
 অবলা কুলের বালা আমি—সুখ মম !

আসিবেন তাত কণু ফিরি যবে বনে ;  
 কি কব তাঁহারে, নাথ, কহ, তা দাসীরে ?  
 নিন্দে অনশ্রুয়া যবে মন্দ কথা কয়ে, ১৫৫

অপবাদে প্রিয়স্বদা তোমায়,—কি বলো  
 বুঝাবে এ দৌহে দাসী, কহ তা দাসীরে ?  
 কহ, কি বলিয়া, দেব, হায়, বুঝাইব  
 এ পোড়া পরাণ আমি—এ মিনতি পদে !

বনচর চর, নাথ ! না জানি কি রূপে ১৬০  
 প্রবেশিবে রাজপুরে, রাজ-সভাতলে ?  
 কিন্তু মজ্জমান জন. শুনিয়াছি. ধরে  
 তুণে, আর কিছু যদি না পায় সম্মুখে !  
 জীবনের আশা, হায়, কে ত্যজে সহজে !

ইতি শ্রীবীরাক্ষনাকাব্যে শকুন্তলাপত্রিকা নাম  
 প্রথম সর্গ ।



## দ্বিতীয় সর্গ।



( সোমের প্রতি তারা । )

[ যৎকালে সোমদেব—অর্থাৎ চন্দ্র—বিদ্যাধায়ন ঋণাঙ্কিতামে  
দেবগুরু রহস্যতির আশ্রমে বাস করেন, গুরুপত্নী তারাদেবী  
তাঁহার অসামান্য সৌন্দর্য্য সন্দর্শনে বিনোহিতা হইয়া, তাঁহার  
প্রতি প্রেমাসক্তা হন। সোমদেব, পাঠ সমাপনান্তে গুরুদক্ষিণা  
দিয়া বিদায় হইবার বাসনা প্রকাশ করিলে, তারাদেবী  
আপন মনের ভাব আর প্রচ্ছন্নভাবে রাখিতে পারিলেন না ; ও  
সতীত্বধর্ম্মে জলাঞ্জলি দিয়া সোমদেবকে এই নিঃশিখিত পত্র-  
খানি লিখেন। সোমদেব যে এতাদৃশী পত্রিকাপাঠে কি করিয়া  
ছিলেন, এস্থলে তাহার পরিচয় দিবার কোন প্রয়োজন নাই।  
পুরাণজ্ঞ ব্যক্তিমাত্রেই তাহা অবগত আছেন। ]

কি বলিয়া সম্বোধিবে, হে সুধাংশুনিধি,  
তোমারে অভাগী তারা ? গুরুপত্নী আমি  
তোমার, পুরুষরত্ন ; কিন্তু ভাগ্যদোষে,  
ইচ্ছা করে দাসী হয়ে সেবি পা দুখানি !—

কি লজ্জা ! কেমনে তুই, রে পোড়া লেখনি, ৫  
লিখিলি এ পাপ কথা,—হায় রে, কেমনে ?  
কিন্তু রথা গঞ্জি তোরে ! হস্তদাসী সদা  
তুই ; মনোদাস হস্ত ; সে মনঃ পুড়িলে  
কেন না পুড়িবি তুই ? বজ্রাগ্নি যদ্যপি  
দহে ভকশিরঃ, মরে পদাশ্রিত লতা ! ১০

হে স্মৃতি, কুকর্মে রত দুর্ন্যতি যেমতি

নিবায় শ্রদীপ, আজি চাহে নিবাইতে  
তোমায় পাপিনী তারা ! দেহ ভিক্ষা, ভুলি  
কে সে মনঃ-চোর মোর, হায়, কেবা আমি !—

ভুলি ভূতপূর্ব্ব কথা,—ভুলি ভবিষ্যতে ! ১৫

এস তবে, প্রাণসখে ; দিনু জলাঞ্জলি  
কুলমানে তব জন্যে,—ধর্ম্ম, লজ্জা, ভয়ে !  
কুলের পিঞ্জর ভাঙ্গি, কুল-বিহঙ্গিনী  
উড়িল পবন-পথে, ধর আসি তারে,  
তারানাথ !—তারানাথ ? কে তোমাতে দিল ২০

এ নাম, হে গুণনিধি, কহ তা তারারে !  
এ পোড়া মনের কথা জানিল কি ছলে  
নামদাতা ? ভেবেছিঁনু, নিশাকালে যথা  
যুদিত-কমল-দলে থাকে গুপ্তভাবে  
সৌরভ, এ প্রেম, বঁধু, আছিল হৃদয়ে ২৫

অস্তুরিত ; কিন্তু—ধিক্, বৃথা চিন্তা, তোরে !  
কে পারে লুকাতে কবে জ্বলন্ত পাবকে ?  
এস তবে, প্রাণসখে ! তারানাথ তুমি ;  
জুড়াও তারার জ্বালা ! নিজ রাজ্য ত্যজি,  
ভ্রমে কি বিদেশে রাজা, রাজকাজ ভুলি ? ৩০

সদর্পে কন্দর্প নামে মীনধ্বজ রথী,  
পঞ্চ ধর শর তুণে, পুষ্পধনুঃ হাতে,  
আক্রমিছে পরাক্রমি অসহায় পুরী ;—  
কে তারে রক্ষিবে, সখে, তুমি না রক্ষিলে ?

ষে দিন,—কুদিন তারা বলিবে কেমনে ৩৫

সে দিনে, হে গুণমণি, যে দিন হেরিল  
আঁখি তার চক্রমুখ,—অতুল জগতে !—

যে দিন প্রথমে তুমি এ শাস্ত্র আশ্রমে  
প্রবেশিলা, নিশাকান্ত, সহসা ফুটিল  
নবকুমুদিনীসম এ পরাগ মম

৪০

উল্লাসে,—ভাসিল যেন আনন্দ-সলিলে !

এ পোড়া বদন মুহূঃ হেরিনু দর্পণে ;  
বিনাইনু যত্নে বেণী ; তুলি ফুলরাজী,  
( বন-রত্ন ) রত্নরূপে পরিনু কুম্বলে !

চির পরিধান মম বাকল ; ঘণিনু

৪৭

তাহায় ! চাহিনু, কাঁদি বন-দেবী-পদে,

ছুকুল, কাঁচলি, সিঁতি, কঙ্কণ, কিকিণী,

কুণ্ডল, মুকুতাহার, কাঞ্চী কটিদেশে !

ফেলিনু চন্দন দূরে, স্মরি যুগমদে !

হায় রে, অবোধ আমি ! নারিনু বুঝিতে

৫০

সহসা এ সাধ কেন জনমিল মনে ?

কিস্ত বুঝি এবে, বিধু ! পাইলে মধুরে,

সোহাগে বিবিধ সাজে সাজে বনরাজী !—

তারার যৌবন-বন-ঋতুরাজ তুমি !

বিদ্যালাভ-হেতু যবে বসিতে, স্মৃতি,

৫৫

গুণপদে ; গৃহকর্ম্য তুলি পাপীয়সী

আমি, অস্তুরালে বসি শনিতাম স্মখে

ও মধুর স্বর, সখে, চির-মধু-মাধা !

কি ছার নিগম, তন্ত্র, পুরাণের কথা ?

কি ছার মুরজ, বীণা, মুরলী, তুষকী ? ৬০  
বর্ষ বাক্যসুধা তুমি ! নাচিবে পুলকে  
ভারা, মেঘনাদে মাতি ময়ূরী যেমতি !

শুকর আদেশে যবে গাভীবৃন্দ লয়ে,  
দূর বনে, সুরমণি, জমিতে একাকী  
বহু দিন ; অহরহঃ, বিরহ-দহনে, ৬৫  
কত যে কাঁদিত ভারা, কব তা কাহারে—  
অবিরল অশ্রুজল মুছি লজ্জাভয়ে !

শুকপত্নী বলি যবে প্রণমিতে পদে,  
সুধানিধি, মুদি জাঁখি, ভাবিতাম মনে,  
মানিনী যুবতী আমি, তুমি প্রাণপতি, ৭০  
মান-ভঙ্গ-আশে নত দাসীর চরণে !  
আশীর্বাদ-ছলে মনে নমিতাম আমি !

শুকর প্রসাদ-অঙ্গে সদা ছিলা রত,  
তারাকান্ত ; ভোজনান্তে আঁচমন-হেতু  
যোগাইতে জল যবে শুকর আদেশে ৭৫  
বহির্দ্বারে, কত যে কি রাখিতাম পাতে  
চুরি করি আনি আমি, পড়ে কি হে মনে ?  
হরীতকী-স্থলে, সখে, পাইতে কি কভু  
তাম্বুল শয়নধামে : কুশাসন-তলে,  
হে বিধু, সুরভি ফুল কভু কি দেখিতে ? ৮০  
হায় রে, কাঁদিত প্রাণ হেরি তৃণাসনে ;  
কোমল কমল-নিন্দা ও বরাক্ষ তব,  
ওঁই, ইন্দু, কুলশয্যা পাতিত দুঃখিনী !

কত যে উঠিত নাথ, পাড়িতাম যবে  
শয়ন, এ পোড়া মনে, পার কি বুঝিতে ? ৮৫

পূজাহেতু ফুলজাল তুলিবারে যবে  
প্রবেশিতে ফুলবনে, পাইতে চৌদিকে  
তোলা ফুল ! হাসি তুমি কহিতে, স্মৃতি,  
“ দয়াময়ী বনদেবী ফুল অবচয়ি,  
রেখেছেন নিবারিতে পরিশ্রম মম !” ৯০

কিন্তু সত্য কথা এবে কহি, গুণনিধি ; —  
নিশীথে ত্যজিয়া শয্যা পশিত কাননে  
এ কিকরী ; ফুলরাশি তুলি চারি দিকে  
রাখিত তোমার জন্যে ! নীর-বিন্দু যত  
দেখিতে কুমুদলে, হে সুধাংশু-নিধি, ৯৫

অভাগীর অশ্রুবিন্দু—কহিনু তোমারে !  
কত যে কহিত তারা—হায়, পাগলিনী !—  
প্রতিফুলে, কেমনে তা আনিব এ মুখে ?  
কহিত সে চম্পকেরে,—“ বর্ণ তোরা হেরি,  
রে ফুল, সাদরে তোরে তুলিবেন যবে ১০০

ও কর-কমলে, সখা, কহিস তাঁহারে,—  
‘ এ বর বরণ মম কালি অভিমানে  
হেরি বে বর বরণ, হে রোহিণীপতি,  
কালি সে বর বরণ তোমার বিহনে ! ”  
কহিত সে কদম্বেরে,—না পারি কহিতে ১০৫

কি যে সে কহিত তারে, হে সোগ, শরমে !—  
রসের সাগর তুমি, ভাবি দেখ মনে !

শুনি লোকমুখে, সখে, চন্দ্রলোকে তুমি  
 ধর যুগশিশু কোলে, কত যুগশিশু  
 ধরেছি যে কোলে আমি কাঁদিয়া বিরলে, ১১০  
 কি আর কহিব তার ? শুনিলে হাসিবে,  
 হে সুহাসি ! নাহি জ্ঞান ; না জানি কি লিখি !

ফাটিত এ পোড়া প্রাণ হেরি তারাদলে !  
 ডাকিতাম মেঘদলে চির আবরিতে  
 রোহিণীর স্বৰ্ণকাস্তি । কাস্তি মদে মাতি, ১১৫  
 সপত্নী বলিয়া তারে গঞ্জিতাম রোষে !  
 প্রফুল্ল কুমুদে হৃদে হেরি নিশাযোগে  
 তুলি ছিঁড়িতাম রাগে :—আঁধার কুটীরে  
 পশিতাম বেগে হেরি সরসীর পাশে  
 তোমায় ! ভূতলে পড়ি, তিতি অশ্রুজলে, ১২০  
 কহিতাম অভিমানে,—‘ রে দারুণ বিধি  
 নাহি কি যৌবন মোর,—রূপের মাধুরী ?  
 তবে কেন,—’ কিন্তু বৃথা স্মরি পূৰ্বকথা !  
 নিবেদিব, দেবশ্রেষ্ঠ, দিন দেহ যবে !

তুষেছ গুরুর মনঃ সুদক্ষিণা-দানে ; ১২৫  
 গুরুপত্নী চাহে ভিক্ষা,—দেহ ভিক্ষা তারে !  
 দেহ ভিক্ষা—ছায়ারূপে থাকি তব সাথে  
 দিবা নিশি ! দিবা নিশি সেবি দাসীভাবে  
 ও পদযুগল, নাথ,——হা দিক্, কি পাপে,  
 হায় রে, কি পাপে, বিধি, এ তাপ লিখিলি ১৩০  
 এ ভালে ? জনম মম মহা ঋষিকুলে,

তবু চণ্ডালিনী আমি ? ফলিল কি এবে  
 পরিমলাকর ফুলে, হায়, হলাহল ?  
 কোকিলের নীড়ে কি রে রাখিলি গোপনে  
 কাকশিশু : কৰ্মনাশা—পাপ-প্রবাহিনী !— ১৩৫  
 কেমনে পড়িল বহি জাহুবীর জলে ?

কম, সখে !—পোষা পাখী, পিঞ্জর খুলিলে,  
 চাহে পুনঃ পশিবারে পূৰ্ব্ব কাগারে !  
 এস তুমি ; এস শীত্র ! যাব কুঞ্জ-বনে,  
 তুমি, হে বিহঙ্গরাজ, তুমি সঙ্কে নিলে !  
 দেহ পদাশ্রয় আসি,—প্রেম-উদাসিনী  
 আমি । যথা যাও যাব ; করিব যা কর ;—  
 বিকাইব কায় মনঃ তব রাঙা পায়ে !

কলঙ্কী শশাঙ্ক, তোমা বলে সৰ্ব্ব জনে ।  
 কর আসি কলঙ্কিনী কিঙ্করী তারারে, ১৪৫  
 তারানাথ ! নাহি কাজ বৃথা কুলমানে ।  
 এস, হে তারার বাণী ! পোড়ে বিরহিণী,  
 পোড়ে যথা বনস্থলী ঘোর দাবানলে !  
 চকোরী সেবিলে তোমা দেহ সুধা তারে,  
 সুধাময় ; কোন্ দোষে দোষী তব পদে ১৫০  
 অভাগিনী ? কুমুদিনী কোন্ তপোবলে  
 পায় তোমা নিত্য, কহ ? আরন্তি সত্বরে  
 সে তপঃ, আহার নিদ্রা ত্যজি একাসনে !  
 কিন্তু যদি থাকে দয়া, এস শীত্র করি !  
 এ নব যৌবন, বিধু, অর্পিব গোপনে ১৫৫

তোমায়, গোপনে যথা অর্পেন আনিয়া  
সিন্ধুপদে মন্দাকিনী স্বর্ণ, হীরা, মণি !

আর কি লিখিবে দাসী ? স্মৃপণ্ডিত তুমি,  
কম ভ্রম ; কম দোষ ! কেমনে পড়িব  
কি কহিল পোড়া মনঃ, হায়, কি লিখিল ১৬৩  
লেখনী ? আইস, নাথ, এ মিনতি পদে ।

লিখিনু লেখন বসি একাকিনী বনে,  
কাঁপি ভয়ে—কাঁদি খেদে—মরিয়া শরমে !  
লয়ে ফুলবৃন্ত, কাস্ত, নয়ন-কাজলে  
লিখিনু ! কমিও হোব, দয়াসিন্ধু তুমি ! ১৬৫  
আইলে দাসীর পাশে, বুঝিব কমিলে  
দোষ তার, তারানাথ ! কি আর কহিব ?  
জীবন মরণ মম আজি তব হাতে !

ইতি শ্রী বীরস্কনাকাব্যে তারাপত্রিকা নাম  
দ্বিতীয় সর্গ ।



## তৃতীয় সর্গ।



( দ্বারকানাথের প্রতি কুম্বিনী । )

[ বিদর্ভাধিপতি ভীষ্মকরাজপুত্রী কুম্বিনী দেবীকে পৌরাণিক ইতি-  
হাস্তে অয়ং লক্ষ্মী-অবতার বলিয়া ব্যাখ্যা করিয়া থাকেন। সুতরাং  
তিনি আঞ্জন্ম বিষ্ণুপরায়ণা ছিলেন। যৌবনাবস্থায় তাঁহার জাত।  
যুবরাজ রুদ্র দেবীর শিশুপলের সহিত তাঁহার পরিণয়ার্থে  
উদ্যোগী হইলে, কুম্বিনী দেবী নিঃশঙ্খিত পত্রিকা খানি দ্বারকায়  
বিষ্ণু-অবতার দ্বারকানাথের সমীপে প্রেরণ করেন। কুম্বিনী-হরণ-  
বৃত্তান্ত এস্থলে ব্যক্ত করা বাতলা । ]

শনি নিত্য ঋষিমুখে, হৃষীকেশ তুমি,  
যাদবেন্দ্র, অবতীর্ণ অবনী-মণ্ডলে  
খণ্ডিতে ধরার ভার দণ্ডি পাপী-জনে,  
• চাহে পদাশ্রয়, নমি ও রাজীবপদে,  
কুম্বিনী,—ভীষ্মক-পুত্রী, চিরদাসী তব ;— ৫  
তার, হে তারক, তারে এ বিপত্তি-কালে !

কেমনে মনের কথা কহিব চরণে,  
অবলা কুলের বালা আমি, যদুমণি ?  
কি সাহসে বাঁধি বুক, দিব জলাঞ্জলি  
লজ্জাভয়ে ? মুদে আঁধি, হে দেব, শরমে ; ১০  
না পারে আঙুল-কুল ধরিতে লেখনী ;  
কাঁপে হিয়া ধরথরে ! না জানি কি করি ;  
না জানি কাহারে কহি এ দুঃখ-কাহিনী !

শুন তুমি, দয়াসিন্ধু ! হায়, তোমা বিনা  
নাহি গতি অভাগীর আর এ সংসারে ! ১৫

নিশার স্বপনে হেরি পুরুষ-রতনে,  
কায় মনঃ অভাগিনী সঁপিয়াছে তাঁরে ;  
দেবে সাক্ষী করি বরি দেবনরোত্তমে  
বরভাবে ! নারী দাসী, নারে উচ্চারিতে  
নাম তাঁর, স্বামী তিনি ; কিন্তু কহি, শুন,  
পঞ্চ মুখে পঞ্চমুখ জপেন সতত  
সে নাম,—জগত-কর্নে সুধার লহরী ! ২০

কে যে তিনি ? জন্ম তাঁর কোন্ মহাকূলে ?  
অবধান কর, প্রভু, কহিব সংক্ষেপে ;  
তুলিয়া কুম্ভ-রাশি, মালিনী যেমতি  
গাঁথে মালা, ঋষিমুখ-বাক্যচয় আজি  
গাথিব গাথায়, নাথ, দেহ পদ-ছায়া । ২৫

গৃহিলা পুরুষোত্তম জন্ম কারাগারে ।—  
রাজদ্বেষে পিতা মাতা ছিলা বন্দীভাবে,  
দীনবন্ধু, তেঁই জন্ম নাথের কুস্থলে !  
ধনিগর্ভে ফলে মণি ; মুক্তা শুক্তিধামে !  
হাসিলা উল্লাসে পৃথ্বী সে শুভ নিশীথে ;  
শত শরদের শশী-সদৃশী শোভিল  
বিভা ! গঙ্গামোদে মাতি স্বনিলা স্নাননে  
সমীরণ ; নদ নদী কলকলকলে  
সিন্ধুপদে স্নসংবাদ দিলা দ্রুতগতি ;  
কল্লোলিলা জলপতি গভীর নিনাদে ! ৩৫

নাচিল অঙ্গরা স্বর্গে ; মর্ত্যে নর নারী !  
 সঙ্কীর্ণ-ভরঙ্গ রঙ্গে বহিল চৌদিকে !  
 রুঞ্চিলা কুমুম দেব ; পাইল দরিদ্র  
 রতন ; জীবন পুনঃ জীবশূন্য জন !  
 পুরিল অখিল বিশ্ব জয় জয় হবে ।

৪০

জন্মান্তে জনমদাতা, ঘোর নিশাযোগে,  
 গোপরাজ-গৃহে লয়ে রাখিলা নন্দনে  
 মহা যত্নে । মহারত্নে পাইলে যেমতি  
 আনন্দ-সলিলে ভাসে দরিদ্র, ভাসিলা  
 গোকুলে গোপ-দম্পতী আনন্দ-সলিলে !

৪৫

আদরে পালিলা বালে গোপ-কুল-রাণী  
 পুত্রভাবে । বাল্য-কালে বাল্য-খেলা যত  
 খেলিলা রাখাল-রাজ, কে পারে বর্ণিতে ?  
 কে কবে, কি ছলে শিশু নাশিলা মায়াবী  
 পুতনারে ? কাল নাগ কালীয়, কি দেখি,  
 লইল আশ্রয় নমি পাদ-পদ্ম-তলে ?  
 কে কবে, বাসব যবে কষি, বরষিলা  
 জলামার, কি কোশলে গোবর্দ্ধনে তুলি,  
 রুঞ্চিলা গোকুল, দেব, প্রলয়-প্লাবনে ?  
 আর আর কীর্তি যত বিদিত জগতে ?

৫০

৫৫

যৌবনে করিলা কেলি গোপী-দলে লয়ে  
 রসরাজ ; মজাইলা গোপ-বধু-ভ্রজ  
 বাজায়ে বাঁশরী, নাচি তমালের তলে !  
 বিহারিলা গোষ্ঠে প্রভু ; যমুনা-পুলিনে !

৬০

এই রূপে কত কাল কাটাইলা মুখে  
 গোপ-ধামে গুণনিধি ; পরে বিনাশিয়া  
 পিতৃ-অরি অরিন্দম, দূর সিন্ধু-তীরে  
 স্থাপিলা সুন্দরী পুরী । আর কব কত ? ৬৫  
 দেখ চিন্তি, চিন্তামণি, চেন যদি তারে !

না পার চিনিতে যদি, দেহ আজ্ঞা তবে,  
 পীতাম্বর, দেখি যদি পারে হে বর্ণিতে  
 সে রূপ-মাধুরী দাসী । চিত্রপটে যেন,  
 চিত্রিত সে মূর্তি চির, হায়, এ হৃদয়ে ! ৭০  
 নবীন-নীরদ-বর্ণ ; শিখি-পুচ্ছ শিরে ;  
 ত্রিভঙ্গ ; সুগল-দেশে বর গুঞ্জমালা ;  
 মধুর অধরে বাঁশী ; বাস পীত ধড়া ;  
 ধ্বজবজ্রাকুশ-চিহ্ন রাজীব-চরণে—  
 যোগীন্দ্র-মানস-পদ্ম ! মোক্ষ-ধাম ভবে ! ৭৫

যত বার হেরি, দেব, আকাশ-মণ্ডলে,  
 ঘনবরে, শক্র-ধনুঃ চূড়ারূপে শিরে ;  
 তড়িৎ সুধড়া অঙ্গে ;—পাদ্য অর্ঘ্য দিয়া,  
 সাক্ষাৎ প্রণমি, আমি পূজি ভক্তি-ভাবে !  
 ভ্রাস্তিমদে মাতি কহি,—‘প্রাণকান্ত মম ৮০  
 আসিছেন শূন্যপথে তুমিতে দাসীরে !’  
 উড়ে যদি চাতকিনী, গঞ্জি তারে রাগে !  
 নাচিলে ময়ূরী, তারে মারি, যহুমণি !  
 মল্লৈ যদি ঘনবর, ভাবি, আঁখি মুদি,  
 গোপ-বুল-বালা আমি ; বেণুর সুরবে ৮৫

ডাকিছেন সখা মোরে যমুনা-পুলিনে !  
 কহি শিখীবরে,—‘ধন্য তুই পক্ষীকুলে,  
 শিখণ্ডি ! শিখণ্ড তোর মণ্ডে শিরঃ য়াঁর,  
 পূজেন চরণ তাঁর আপনি ধূর্জটী !’—  
 আর পরিচয় কত দিব পদযুগে ?

১০

শুন এবে হুঃখ-কথা । হৃদয়-মন্দিরে  
 স্থাপি সে স্মশ্যাম মূর্তি, সম্ম্যাসিনী যথা  
 পূজে নিত্য ইস্টদেবে গহন বিপিনে,  
 পূজিতাম আমি নাথে । এবে ভাগ্য-দোষে  
 চেদীশ্বর নরপাল শিশুপাল নামে,  
 ( শূনি জনরব ) নাকি আসিছেন হেথা  
 বরবেশে বরিবারে, হায়, অভাগীরে !

১৫

কি লজ্জা ! ভাবিয়া দেখ, হে দ্বারকাপতি !  
 কেমনে অধর্ম কর্ম করিবে কঙ্কণী ?  
 য়েচ্ছায় দিয়াছে দাসী, হায়, একজনে  
 কায় মনঃ ; অন্য জনে——ক্ষম, গুণনিধি !—  
 উড়ে প্রাণ, পোড়া কথা পড়ে যবে মনে !  
 কি পাপে লিখিলা বিধি এ যাতনা ভালে ?

১০০

আইস গরুড়-ধ্বজে, পাকজন্য নাদি,  
 গদাধর ! রূপ গুণ থাকিত বদ্যপি  
 এ দাসীর,—কহিতাম, ‘আইস, মুরারি,  
 আইস ; বাহন তব বৈনতেয় যথা  
 হরিল অমৃতরস পশি চন্দ্রলোকে,  
 হর অভাগীরে তুমি প্রবেশি এ দেশে !’

১০৫

কিস্ত নাহি রূপ গুণ; কোন্ মুখ দিয়া ১১০

অমৃতের সহ দিব আপন তুলনা !

দীন আমি; দীনবন্ধু তুমি, যদুপতি ;

দেহ লয়ে কঙ্কিণীরে সে পুরুবোত্তমে,

যাঁর দাসী করি বিধি সৃজিলা তাহারে !

কঙ্কনামে সহোদর,—দুরন্ত সে অতি ; ১১৫

বড় প্রিয়পাত্র তার চেদীশ্বর বলী ;

শরমে মায়ের পদে নারি নিবেদিতে

এ পোড়া মনের কথা ! চন্দ্রকলা সখী,

তার গলা ধরি, দেব, কাঁদি দিবা নিশি,—

নীরবে দুজনে কাঁদি সভয়ে বিরলে ! ১২০

লইনু শরণ আজি ও রাজীব-পদে ;—

বিঘ্ন-বিনাশন তুমি, ত্রাণ বিঘ্নে মোরে !

কি ছলে ভুলাই মনঃ; কেমনে যে ধরি

ধৈর্য, শুনিবে যদি, কহিব, শ্রীপতি !

বহে প্রবাহিনী এক রাজ-বন-মাঝে ; ১২৫

‘যমুনা’ বলিয়া তারে সম্বোধি আদরে,

গুণনিধি ! কূলে তার কত যে রোপেছি

তমাল, কদম্ব,—তুমি হাসিবে শুনিলে !

পুষিয়াছি সারী শুক, ময়ূর ময়ূরী

কুঞ্জবনে ; অলিকুল গুঞ্জরে সতত ; ১৩০

কুহরে কোকিল ডালে ; ফোটে ফুলরাজী ।

কিস্তু শোভাহীন বন প্রভুর বিহনে !

কহ কুঞ্জবিহারীরে, হে দ্বারকাপতি,

আসিতে সে কুঞ্জবনে বেণু বাজাইয়া !  
 কিম্বা মোরে লয়ে, দেব, দেহ তাঁর পদে ! ১৩৫  
 আছে বহু গাভী গোষ্ঠে ; নিজ কর দিয়া  
 সেবে দাসী তা সবারে । কহ হে রাখালে  
 আসিতে সে গোষ্ঠগৃহে, কহ, যত্নমণি !  
 যতনে চিকণি নিত্য গাঁথি ফুলমালা ;  
 যতনে কুড়ায় রাখি যদি পাই পড়ি ১৪০  
 শিখীপুচ্ছ ভূমিতলে ;—কত যে কি করি,  
 হায়, পাগলিনী আমি ! কি কাজ কহিয়া ?  
 আসি উদ্ধারহ মোরে, ধনুর্ধর তুমি,  
 মুরারি ! নাশিলা কংসে, শুনিয়াছে দাসী,  
 কংসজিত ; মধুনামে দৈত্য-কুল-রথী, ১৪৫  
 বধিলা মধুসূদন, হেলায় তাহারে !  
 কে বর্ণিবে গুণ তব, গুণনিধি তুমি ?  
 কালরূপে শিশুপাল আসিছে সত্বরে ;  
 আইস তাহার অগ্রে । প্রবেশি এ দেশে,  
 হর মোরে ! হরে লয়ে দেহ তাঁর পদে, ১৫০  
 হরিলে এ মনঃ যিনি নিশার স্বপনে !

ইতি শ্রীবীরাত্ননাকাব্যে কল্পিণীপত্রিকা নাম  
 তৃতীয় সর্গ।

## চতুর্থ সর্গ।



( দশরথের প্রতি কেকয়ী । )

কোন সময়ে রাজর্ষি দশরথ কেকয়ী দেবীর নিকট এই প্রতিজ্ঞা করিয়াছিলেন, যে তিনি তাঁহার গর্ভজাত-পুত্র ভরতকেই যুব-রাজ্যপদে অভিষিক্ত করিবেন । কালক্রমে রাজা স্বসত্য বিশ্বস্ত হইয়া কোশল্যানন্দন রামচন্দ্রকে সে পদ-প্রদানের ইচ্ছা প্রকাশ করিতে, কেকয়ী দেবী নহুরা নাগী দাসীর মুখে এ সংবাদ পাইয়া, নিম্ন লিখিত পত্রিকাখানি রাজসমীপে প্রেরণ করিয়াছিলেন । ]

এ কি কথা শুনি আজ মন্ডরার মুখে,  
 রঘুরাজ ? কিস্তু দাসী নীচকুলোদ্ভবা,  
 সত্য মিথ্যা জ্ঞান তার কভু না সম্ভবে !  
 কহ তুমি ;—কেন আজি পুরবাসী যত  
 আনন্দ-সলিলে মগ্ন ? ছড়াইছে কেহ  
 ফুলরাশি রাজপথে ; কেহবা গাঁথিছে  
 মুকুল কুমুম ফল পল্লবের মালা  
 সাজাইতে গৃহদ্বার—মহোৎসবে যেন ?  
 কেন বা উড়িছে ধ্বজ প্রতি গৃহচূড়ে ?  
 কেন পদাতিক, হয়, গজ, রথ, রথী  
 বাহিরিছে রণবেশে ? কেন বা বাজিছে  
 রণবাদ্য ? কেন আজি পুরনারী-ব্রজ  
 মুহুমুহঃ হলাহলি দিতেছে চৌদিকে ?  
 কেন বা নাচিছে নট, গাইছে গায়কী ?

.৫

১০



কেন এত বীণা-ধ্বনি ? কহ, দেব, শুনি, ১৫  
 রূপা করি কহ মোরে,—কোন্ ত্রতে ত্রতী  
 আজি রঘু-কুল-শ্রেষ্ঠ ? কহ, হে নৃমণি,  
 কাহার কুশল-হেতু কৌশল্যা মহিষী  
 বিতরেন ধন-জাল ? কেন দেবালয়ে  
 বাজিছে ঝাঁঝরি, শংখ, ঘণ্টা ঘটারোলে ? ২০  
 কেন রঘু-পুরোহিত রত স্বস্ত্যয়নে ?  
 নিরন্তর জন-শ্রোতঃ কেন বা বহিছে  
 এ নগর-অভিमुखে ? রঘু-কুল-বধু  
 বিবিধ ভূষণে আজি কি হেতু সাজিছে—  
 কোন্ রঙ্গে ? অকালে কি আরস্ত্রিলা, প্রভু, ২৫  
 বজ্র ? কি মঙ্গলোৎসব আজি তব পুরে ?  
 কোন্ রিপু হত রণে, রঘু-কুল-রথি ?  
 জগ্নিল কি পুত্র আর ? কাহার বিবাহ  
 দিবে আজি ? আইবড় আছে কি হে গৃহে  
 ছুহিতা ? কোতুক বড় বাড়িতেছে মনে ! ৩০  
 কহ, শুনি, হে রাজন্ ; এ বয়েসে পুনঃ  
 পাইলা কি ভাগ্য-বলে—ভাগ্যবান্ তুমি  
 চিরকাল !—পাইলা কি পুনঃ এ বয়েসে—  
 রসময়ী নারী-ধনে, কহ, রাজ-ঋষি ?  
 হা ধিক্ ! কি কবে দাসী—শুক জন তুমি ! ৩৫  
 নতুবা কেয়ী, দেব, মুক্তকণ্ঠে আজি  
 কহিত,—‘অসত্য-বাদী রঘু-কুল-পতি !

নির্লজ্জ ! প্রতিজ্ঞা তিনি ভাঙ্কেন সহজে ।

ধর্ম-শব্দ মুখে,—গতি অধর্মের পথে !'

অযথার্থ কথা যদি বাহিরায় মুখে

৪০

কেকয়ীর, মাথা তার কাট তুমি আসি,

নররাজ ; কিষা দিয়া চূণ কালি গালে

খেদাও গহন বনে ! যথার্থ বদ্যপি

অপবাদ, তবে কহ, কেমনে ভঞ্জবে

এ কলঙ্ক ? লোক মাঝে কেমনে দেখাবে

৪৫

ও মুখ, রাঘবপতি, দেখ ভাবি মনে ।

না পড়ি চলিয়া আর নিতম্বের ভরে !

নহে ঞ্জক উক-দ্বয়, বর্জুল কদলী-

সদৃশ ! সে কটি, হার, কর-পায়ে ধরি

যাহায়, নিন্দিতে তুমি সিংহে প্রেমাদরে

৫০

আর নহে সক, দেব ! নমু-শিরঃ এবে

উচ্চ কুচ ! সুধা-হীন অধর ! লইল

লুটিয়া কুটিল কাল, যৌবন-ভাণ্ডারে

আছিল রতন যত ; হরিল কাননে

নিদাঘ কুম্ব-কাস্তি, নীরসি কুম্বমে !)

৫৫

কিন্তু পূর্ব-কথা এবে স্মর, নরমণি !—

সেবিনু চরণ যবে তরণ যৌবনে,

কি সত্য করিলা, প্রভু, ধর্মে সাক্ষী করি,

মোর কাছে ? কাম-মদে মাতি যদি তুমি

বৃথা আশা দিয়া মোরে ছলিলা, তা কহ ;— ৬০

নীরবে এ দুঃখ আমি সহিব তা হলে !

কামীর কুরীতি এই শুনেছি জগতে,  
অবলার মনঃ চুরি করে সে সতত  
কৌশলে, নির্ভয়ে ধর্ম্যে দিল্লা জলাঞ্জলি ;—  
প্রবঞ্চনা-রূপ তনয় মাখে মধুরসে !

৬৫

এ কুপথে পথী কি হে সূর্য্য-বংশ-পতি ?  
তুমিও কলঙ্ক-রেখা লেখ সুললাটে,  
( শশাঙ্ক-সদৃশ ) এবে, দেব দিনমণি !

ধর্ম্মশীল বলি, দেব, বাধানে তোমায়ে  
দেব নর,—জিতেন্দ্রিয়, নিত্য সত্যপ্রিয় !

৭০

তবে কেন, কহ মোরে, তবে কেন শুনি,  
যুবরাজ-পদে আজি অভিষেক কর  
কৌশল্যা-নন্দন রাঘে ? কোথা পুত্র তব  
ভরত,—ভারত-রত্ন, রঘু-চূড়ামণি ?

পড়ে কি হে মনে এবে পূর্ব্বকথা যত ?

৭৫

কি দোষে কেকয়ী দাসী দোষী তব পদে ?  
কোন্ অপরাধে পুত্র, কহ, অপরাধী ?

তিন রাণী তব, রাজা ! এ তিনের মাঝে,  
কি ক্রটি সেবিতে পদ করিল কেকয়ী

কোন্ কালে ? পুত্র তব চারি, নরমণি !

৮০

গুণশীলোত্তম রাম, কহ, কোন্ গুণে ?  
কি কুহকে, কহ শুনি, কৌশল্যা-মহিষী

ভুলাইলা মনঃ তব ? কি বিশিষ্ট গুণ  
দেখি রামচন্দ্রে, দেব, ধর্ম্ম নষ্ট কর

অতীষ্ট পূর্ণিতে তার, রঘুশ্রেষ্ঠ তুমি ?

৮৫

কিন্তু বাক্য-ব্যয় আর কেন অকারণে ?—  
 যাহা ইচ্ছা কর, দেব ; কার সাধ্য রোধে  
 তোমায়, নরেন্দ্র তুমি ? কে পারে ফিরাতে  
 প্রবাহে ? বিতংসে কেবা বাঁধে কেশরীরে ?  
 চলিল ত্যজিয়া আজি তব পাপ-পুরী ৯০  
 ভিখারিণী-বেশে হাসী ! দেশ দেশান্তরে  
 ফিরিব ; যেখানে যাব, কহিব সেখানে  
 ‘পরম অধর্মাচারী রঘু-কুল-পতি !  
 গভীরে অন্ধরে যথা নাদে কাদম্বিনী,  
 এ মোর দুঃখের কথা, কব সর্ব জনে ! ৯৫  
 পথিকে, গৃহস্থে, রাজে, কাঙালে, তাপসে,—  
 যেখানে যাহারে পাব, কব তার কাছে—  
 ‘পরম অধর্মাচারী রঘু-কুল-পতি !’  
 পুষি সারী শুক, দোঁহে শিখাব যতনে  
 এ মোর দুঃখের কথা, দিবস রজনী । ১০০  
 শিখিলে এ কথা, তবে দিব দোঁহে ছাড়ি  
 অরণ্যে । গাইবে তারা বসি বৃক্ষ-শাখে,  
 ‘পরম অধর্মাচারী রঘু-কুল-পতি !’  
 শিখি পক্ষীমুখে গীত গাবে প্রতিধ্বনি—  
 ‘পরম অধর্মাচারী রঘু-কুল-পতি !’ ১০৫  
 লিখিব গাছের ছালে, নিবিড় কাননে,  
 ‘পরম অধর্মাচারী রঘু-কুল-পতি !’  
 খোদিব এ কথা আমি তুঙ্গ শৃঙ্গদেহে ।  
 রচি গাথা, শিখাইব পল্লী-বাল-দলে ।

করতালি দিয়া তারা গাইবে নাচিয়া— ১১০

‘পরম অধর্মীচারী রঘুকুল-পতি !’

থাকে যদি ধর্ম, তুমি অবশ্য ভুঞ্জিবে  
এ কর্মের প্রতিকল ! দিয়া আশা মোরে,  
নিরাশ করিলে আজি ; দেখিব নয়নে  
তব আশা-বৃক্ষে ফলে কি ফল, নৃমণি ? ১১৫

বাড়ালে যাহার মান, থাক তার সাথে  
গৃহে তুমি ! বামদেশে কোশল্যা মহিষী,—  
( এত যে বয়েস, তবু লজ্জাহীন তুমি ! )—  
যুবরাজ পুত্র রাম ; জনক-নন্দিনী  
সীতা প্রিয়তমা বধু ;—এ সবারে লয়ে ১২০  
কর ঘর, নরবর, যাই চলি আমি !

পিতৃ-মাতৃ-হীন পুত্রে পালিবেন পিতা—  
মাতামহালয়ে পাবে আশ্রয় বাছনি ।  
দিব্য দিয়া মানা তারে করিব খাইতে  
তব অন্ন ; প্রবেশিতে তব পাপ-পুরে । ১২৫

চিরি বক্ষঃ মনোহুঃখে লিখিনু শোণিতে  
লেখন । না থাকে যদি পাপ এ শরীরে ;  
পতি-পদ-গতা যদি পতিব্রতা দাসী ;  
বিচার ককন ধর্ম ধর্ম-রীতি-মতে !

ইতিশ্রীবীরাস্তনা কাব্যে কেকয়ীপত্রিকা নাম

## পঞ্চম সর্গ ।



( লক্ষ্মণের প্রতি সূৰ্পনখা । )

[ যৎকালে রামচন্দ্র পঞ্চবটী-বনে বাস করেন, লক্ষ্মণপতি রাবণের ভগিনী সূৰ্পনখা রাবণের মোহন-রূপে মুগ্ধা হইয়া, তাঁহাকে এই নিম্ন লিখিত পত্রিকাখানি লিখিয়াছিলেন । কবি-গুরু বাল্মীকি রাজেশ্বর রাবণের পরিবারবর্গকে প্রায়ই বীভৎস রস দিয়া বর্ণন করিয়া গিয়াছেন ; কিন্তু এ স্থলে সে রসের লেশ মাত্রও নাই । অতএব পাঠকবর্গ সেই বাল্মীকিবর্ণিত-বিকটা সূৰ্পনখাকে স্মরণপথ হইতে দূরীকৃত করিবেন । ]

কে তুমি,—বিজনবনে ভ্রম হে একাকী,  
বিভূতি-ভূষিত অঙ্গ ? কি কোঁতুকে, কহ,  
বৈশ্বানর, লুকাইছ ভস্মের মাঝারে ?  
মেঘের আড়ালে যেন পূর্ণ শশী আজি ?

ফাটে বুক জঁটাজুট হেরি তব শীরে, ৫  
মঞ্জুকেশি ! স্বর্ণ শয্যা ত্যজি জাগি আমি  
বিরাগে, যখন ভাবি, নিত্য নিশাযোগে  
শয়ন, বরাক্র তব, হায় রে, ভূতলে !  
উপাদেয় রাজ-ভোগ যোগাইলে দাসী,  
কাঁদি ফিরাইয়া মুখ, পড়ে যবে মনে ১০  
তোমার আহার নিত্য ফল মূল, বলি !  
সুবর্ণ মন্দিরে পশি নিরানন্দ গতি,  
কেন না—নিবাস তব বঞ্জুল মঞ্জুলে !

হে সুন্দর, শীত্র আসি কহ মোরে শুনি,—

কোন্ দুঃখে ভব-সুখে বিমুখ হইলা ১৫  
 এ নব ঘোঁষনে তুমি ? কোন্ অভিমানে  
 রাজবেশ ত্যজিলা হে উদাসীর বেশে ?  
 হেমান্ন মৈনাক-সম, হে তেজস্বি, কহ,  
 কার ভয়ে ভ্রম তুমি এ বন-সাগরে  
 একাকী, আবারি তেজঃ, ক্ষীণ, ক্ষুণ্ণ খেদে ? ২০

তোমার মনের কথা কহ আসি মোরে ।—

যদি পরাভূত তুমি রিপূর বিক্রমে,  
 কহ শীত্র ; দিব সেনা ভব-বিজয়িনী,  
 রথ, গজ, অশ্ব, রথী—অতুল জগতে !  
 বৈজয়ন্ত-ধামে নিত্য শচীকান্ত বলী ২৫  
 ত্রস্ত অস্ত্র-ভয়ে যার, হেন ভীম রথী  
 যুঝিবে তোমার হেতু—আমি আদেশিলে !  
 চন্দ্রলোকে, সূর্যালোকে,—যে লোকে ত্রিলোকে  
 লুকাইবে অরি তব, বাঁধি আনি তারে  
 দিব তব পদে, শূর ! চামুণ্ডা আপনি, ৩০  
 ( ইচ্ছা যদি কর তুমি ) দাসীর সাধনে,  
 ( কুলদেবী তিনি, দেব, ) ভীমখণ্ডা হাতে,  
 ধাইবেন হুঙ্কারে নাচিতে সংগ্রামে—  
 দেব-দৈত্য-নর-ত্রাস !— যদি অর্থ চাহ,  
 কহ শীত্র ;—অলকার ভাণ্ডার ধুলিব ৩৫  
 তুষিতে তোমার মনঃ ; নতুবা কুহকে  
 শুবি রক্ষাকরে, লুটি দিব রত্ন-জালে !  
 মণিঘোনি খনি যত, দিব হে তোমারে ।

প্রেম-উদাসীন যদি তুমি, গুণমণি,  
 কহ, কোন্ যুবতীর—( আহা, ভাগ্যবতী ৪০  
 রামাকূলে সে রমণী ! )—কহ শীঘ্র করি,—  
 কোন্ যুবতীর নব যৌবনের মধু  
 বাঞ্ছা তব ? অনিমিষে রূপ তার ধরি,  
 ( কামরূপা আমি, নাথ, ) সেবিব তোমারে !  
 আনি পারিজাত ফুল, নিত্য সাজাইব ৪৫  
 শয্যা তব ! সন্নে মোর সহস্র সঙ্গিনী,  
 নৃত্য গীত রঙ্গে রত । অপ্সরা, কিন্নরী,  
 বিদ্যাধরী,—ইন্দ্ৰাণীর কিঙ্করী যেমতি,  
 তেমতি আমারে সেবে দশ শত দাসী ।  
 সুবর্ণ নির্মিত গৃহে আমার বসতি— ৫০  
 মুক্তাময় মাঝ তার ; সোপান খচিত  
 মরকতে ; শুভ্রে হীরা; পদ্মরাগ মণি ;  
 গবাক্ষে দ্বিরদ-রদ, রতন কপাটে !  
 সুকল স্বরলহরী উথলে চোঁদিকে  
 দিবানিশি ; গায় পাখী সুমধুর স্বরে ; ৫৫  
 সুমধুরতর স্বরে গায় বীণাবাণী  
 বামাকুল ! শত শত কুমুম-কাননে  
 লুটি পরিমল, বায়ু অনুক্ষণ বহে !  
 খেলে উৎস ; চলে জল কলকল কলে !  
 কিন্তু বৃথা এ বর্ণনা । এস, গুণনিধি, ৬০  
 দেখ আসি,—এ মিনতি দাসীর ও পদে !  
 কায়, মনঃ, প্রাণ আমি সঁপিব তোমারে !



ভুঞ্জ আসি রাজ-ভোগ দাসীর আলায়ে ;  
 নহে কহ, প্রাণেশ্বর ! অন্নান বদনে,  
 এ বেশ ভূষণ ত্যজি, উদাসীনী-বেশে ৬৫  
 সাজি, পূজি, উদাসীন, পাদ-পদ্ম তব !  
 রতন কাঁচলী ধূলি, ফেলি তারে দূরে,  
 আবরি বাকলে স্তম ; যুচাইয়া বেণী,  
 মণ্ডি জটাজুটে শিরঃ ; ভুলি রত্নরাজী,  
 বিপিন-জনিত ফুলে বাঁধি হে কবরী ! . ৭০  
 মুছিয়া চন্দন, লেপি ভস্ম কলেবরে ।  
 পরি কঙ্কাকের মালা, মুক্তামালা ছিঁড়ি,  
 গলদেশে ! প্রেম-মস্ত্র দিও কর্ণ-মূলে ;  
 গুরুর দক্ষিণা-রূপে প্রেম-গুরু-পদে  
 দিব এ যৌবন-ধন প্রেম-কুতূহলে ! ৭৫  
 প্রেমাধীনা নারীকুল ডরে কি হে দিতে  
 জলাঞ্জলি, মঞ্জুকেশি, কুল, মান, ধনে  
 প্রেমলাভ-লোভে কতু ?—বিরলে লিখিয়া  
 লেখন, রাখিলু; সখে, এই তকতলে ।  
 নিত্য তোমা হেরি হেথা ; নিত্য ভ্রম তুমি ৮০  
 এই স্থলে । দেখ চেয়ে ; ওই যে শোভিছে  
 শমী,—লতারতা, মরি, ঘোমটার যেন,  
 লজ্জাবতী !—দাঁড়াইয়া উহার আড়ালে,  
 গতিহীনা লজ্জাভয়ে, কত যে চেয়েছি  
 তব পানে, নরবর—হায় ! সূর্য্যমুখী ৮৫  
 চাহে বধা স্থির-আঁধি সে সূর্য্যের পানে !—

কি আর কহিব তার ? যত ক্ষণ তুমি  
 থাকিতে বসিয়া, নাথ ; থাকিত দাঁড়ায়ে  
 প্রেমের নিগড়ে বন্ধা এ তোমার দাসী !  
 গেলে তুমি শূন্যাসনে বসিতাম কাঁদি ! ৯০

হায় রে, লইয়া ধূলা, সে স্থল হইতে  
 যথায় রাখিতে পদ, মাখিতাম ভালে,  
 হব্য-ভক্ষ্য তপস্বিনী মাখে ভালে যথা !  
 কিন্তু বৃথা কহি কথা ! পড়িও, নৃমণি,  
 পড়িও এ লিপিকানি, এ মিনতি পদে ! ৯৫

যদিও হৃদয়ে দয়া উদয়ে, যাইও  
 গোদাবরী-পূর্বকূলে ; বসিব সেখানে  
 মুদিত কুমুদীরূপে আজি সায়ংকালে ;  
 তুমিও দাসীরে আসি শশধর-বেশে !  
 লয়ে তরি সহচরী থাকিবেক তীরে ; ১০০  
 সহজে হইবে পার । নিবিড় সে পারে  
 কানন, বিজনদেশ । এস, গুণনিধি ;  
 দেখিব প্রেমের স্বপ্ন জাগি হে ছুজনে !

যদি আজ্ঞা দেহ, এবে পরিচয় দিব  
 সংক্ষেপে । বিখ্যাত, নাথ, লক্ষা, রক্ষঃপুরী ১০৫  
 স্বর্ণময়ী, রাজা তথা রাজ-কুল-পতি  
 রাবণ, ভগিনী তাঁর দাসী ; লোকমুখে  
 যদি না শুনিয়া থাক, নাম স্থর্পনখা ।  
 কত যে বয়েস তার ; কি রূপ বিধাতা  
 দিয়াছেন, আশু আসি দেখ, নরমণি ! ১১০

আইস মলয়-রূপে ; গন্ধহীন যদি  
 এ কুমুম, ফিরে তবে যাইও তখনি !  
 আইস ভ্রমর-রূপে ; না যোগায় যদি  
 মধু এ যৌবন-ফুল, যাইও উড়িয়া  
 গুঞ্জরি বিরাগ-রাগে ! কি আর কহিব ? ১১৫  
 মলয় ভ্রমর, দেব, আসি সাথে দৌঁহে  
 বৃন্তাসনে মালতীরে ! এস, সখে, তুমি ;—  
 এই নিবেদন করে স্বর্ণনখা পদে ।

শুন নিবেদন পুনঃ । এত দূর লিখি  
 লেখন, সখীর মুখে শুনিলু হরষে, ১২০  
 রাজরথী দশরথ অযোধ্যাধিপতি,  
 পুত্র তুমি, হে কন্দর্প-গর্ভ-ধর্ম-কারি,  
 তাঁহার ; অগ্রজ সহ পশিয়াছ বনে  
 পিতৃ-সত্য-রক্ষা-হেতু । কি আশ্চর্য্য ! মরি,—  
 বালাই লইয়া তব, মরি, রঘুমাণি, ১২৫  
 দয়ার সাগর তুমি ! তা না হলে কভু  
 রাজ্য-ভোগ ত্যজিতে কি ভ্রাতৃ-প্রেম-বশে ?  
 দয়ার সাগর তুমি । কর দয়া মোরে,  
 প্রেম-ভিখারিণী আমি তোমার চরণে !  
 চল শীঘ্র যাই দৌঁহে স্বর্ণ লঙ্কাধামে । ১৩০  
 সম পাত্র মানি তোমা, পরম আদরে,  
 অর্পিবেন শুভ ক্ষণে রক্ষঃ-কুল-পতি  
 দাসীরে কমল-পদে । কি নিয়া, নৃমাণি,  
 অযোধ্যা-সদৃশ রাজ্য শতেক যৌতুকে,

হবে রাজা; দাসী-ভাবে সেবিবে এ দাসী ! ১৩৫  
 এস শীত্ৰ, প্রাণেশ্বর ; আর কথা বত  
 নিবেদিব পাদ-পদে বসিয়া বিরলে ।

কম অশ্রু-চিহ্ন পত্রে ; আনন্দে বহিছে  
 অশ্রু-ধারা ! লিখেছে কি বিধাতা এ ভালে  
 হেন সুখ, প্রাণসখে ? আসি ত্বরা করি, ১৪০  
 প্রশ্নের উত্তর, নাথ, দেহ এ দাসীরে ।

ইতি শ্রীবীরঙ্গনাকাব্যে সূৰ্পনখা পত্রিকা নাম  
 পঞ্চম সর্গ।

---

## ষষ্ঠ সর্গ ।



( অর্জুনের প্রতি দ্রৌপদী । )

[ যৎকালে ধর্মরাজ যুধিষ্ঠির পাণ্ডুকীড়ায় পরাজিত ও রাজ্যচ্যুত হইয়া বনে বাস করেন, বীরবর অর্জুন বৈরনির্হাতনের নিমিত্ত অস্ত্রশিকার স্বরপূরে গমন করিয়াছিলেন। পার্শ্বের বিরহে কাতরা হইয়া, দ্রৌপদী দেবী তাঁহাকে নিম্ন-লিখিত পত্রিকাখানি এক ঋষিপুত্রের সহযোগে প্রেরণ করিয়াছিলেন। ]

হে ত্রিদশালয়-বাসি, পড়ে কভু মনে  
এ পাপ সংসার আর ? কেন বা পড়িবে ?  
কি অভাব তব, কাস্ত, বৈজয়ন্ত-ধামে ?

দেব-ভোগ-ভোগী তুমি, দেবসভা মাঝে  
আসীন দেবেজ্রাসনে ! সতত আদরে ৫  
সেবে তোমা সুরবালা,—পীনপয়োধরা  
ঘৃতাচী ; সু-উক-রস্তা ; নিত্য-প্রভাময়ী  
স্বয়ম্প্রভা ; মিশ্রকেশী—মুকেশিনী ধনী !  
উর্কশী—কলঙ্ক-হীনা শশীকলা দিবে !  
নিবিড়-নিতম্বী সহ্য সহ চিত্রলেখা ১০  
চাকনেত্রী ; সুমধ্যমা তিলোত্তমা বামা ;  
সুলোচনা সুলোচনা, কেহ গায় সুখে ;  
কেহ নাচে,—দিব্য বীণা বাজে দিব্য তালে ;  
মন্দার-মণ্ডিত বেণী দোলে পৃষ্ঠদেশে !  
কস্তুরী কেশর ফুল আনে কেহ সাধে ! ১৫  
কেহ বা অধর-মধু যোগায় বিরলে,

স্বমৃগাল-ভুজে তোমা বাঁধি, গুণনিধি !  
 রসিক নাগর তুমি ; নিত্য রসবতী  
 সুরবালা ;—শত ফুল প্রফুল্ল যে বনে,  
 কি সুখে বঞ্চিত, সখে, শিলীমুখ তথা ? ২০

নন্দন-কাননে তুমি আনন্দে, স্মৃতি,  
 ভ্রম নিত্য ! শুনিয়াছি ঋতুরাজ না কি  
 সাজান সে বনরাজ্যে বিরাজি সে বনে  
 নিরন্তর ; নিরন্তর গায় পাখী শাখে ;  
 না শুখায় ফুলকুল ; মগি মুক্তা হীরা ২৫  
 স্বর্ণ মরকতে বাঁধা সরোরোধঃ যত !

মন্দ মন্দ সমীরণ বহে দিবা নিশি  
 গন্ধামোদে পূরি দেশ । কিন্তু এ বর্ণনে  
 কি কাজ ? শুনেছে দাসী কর্ণে মাত্র যাহা,  
 নিত্য স্বনয়নে তুমি দেখ তা, নৃমগি ! ৩০  
 স্বশরীরে স্বর্গভোগ ! কার ভাগ্য হেন  
 তোমা বিনা, ভাগ্যবান্, এ ভব-মণ্ডলে ?  
 ধন্য নর-কুলে তুমি ! ধন্য পুণ্য তব !

পড়িলে এ সব কথা মনে, শ্রমগি,  
 কেমনে ভাবিব, হায়, কহ তা আমারে, ৩৫  
 অভাগী দাসীর কথা পড়ে তব মনে ?  
 তবে যদি নিজগুণে, গুণনিধি তুমি,  
 ভুলিয়া না থাক তারে,—আশীর্বাদ কর,  
 নমে পদে, ধনঞ্জয়, রূপদ-নন্দিনী—  
 কৃতাজলি-পুটে দাসী নমে তব পদে ! ৪০

হায়, নাথ, বৃথা জন্ম নারীকূলে মম !  
 কেন যে লিখিলা বিধি এ পোড়া কপালে  
 হেন তাপ ; কোন্ পাপে দণ্ডিলা দাসীরে  
 এ রূপে, কে কবে মোরে ? সুধিব কাহারে ?  
 রবি-পরায়ণা, মরি, সরোজিনী ধনী, ৪৫  
 তবু নিত্য সমীরণ কহে তার কানে  
 প্রেমের রহস্য কথা ! অবিরল লুটে  
 পরিমল ! শিলীমুখ, গুঞ্জরি সতত,  
 ( কি লজ্জা ! ) অধর-মধু পান করে মুখে !  
 সৃজিলা কমলে যিনি, সৃজিলা দাসীরে ৫০  
 সেই নিদাকণ বিধি ! কারে নিন্দি, কহ  
 অরিন্দম ? কিস্তু কহি ধর্ম্মে সাক্ষী মানি,  
 শুন তুমি, প্রাণকাস্ত ! রবির বিরহে,  
 নলিনী মলিনী যথা মুদিত বিবাদে ;  
 মুদিত এ পোড়াপ্রাণ তোমার বিহনে ! ৫৫  
 সাধে যদি শত অলি গুঞ্জরিয়া পদে ;  
 সহস্র মিনতি যদি করে কর্ণ-মূলে  
 সমীরণ, ফোটে কি হে কভু পঙ্কজিনী,  
 কনক-উদয়াচলে না হেরি মিহিরে,  
 কিরীটি ? আঁধার বিশ্ব এ পোড়া নয়নে, ৬০  
 হায়রে, আঁধার নাথ, তোমার বিরহে—  
 জীবশূন্য, রবশূন্য, মহারণা যেন !  
 আর কি কহিব, দেব, ও রাজীবপ-দে ?  
 পাঞ্চালীর চির-বাঙ্গা, পাঞ্চালীর পতি

ধনঞ্জয় ! এই জানি, এই মানি মনে । ৬৫

যা ইচ্ছা করুন ধর্ম, পাপ করি যদি  
ভালবাসি নৃমণিরে,—যা ইচ্ছা, নৃমণি !  
হেন সুখ ভুঞ্জি, দুঃখ কে ডরে ভুঞ্জিতে ?

যজ্ঞানলে জনশিল দাসী যাজ্ঞসেনী,  
জান তুমি, মহাযশা । তরুণ যৌবনে ৭০

রূপ গুণ যশে তব, হায় রে, বিবশা,  
বরিনু তোমায় মনে ! সখীদলে লয়ে  
কত যে খেলিনু খেলা, কহিব কেমনে ?

বৈদেহীর সুকাহিনী শুনি লোক মুখে  
শিবের মন্দিরে পশি পুষ্পাঞ্জলি দিয়া, ৭৫

পূজিতাম শিবধনুঃ ! কহিতাম সাধে,—

‘ঋষিবেশে স্বপ্ন অশ্রু দেখাও জনকে  
(জানি কামরূপ তুমি ! ) দিতে এ দাসীরে

সে পুরুষোত্তমে, যিনি ছুই খণ্ড করি,  
হে কোদণ্ড, ভাঙ্কিবেন তোমায় স্ববেলে ! ৮০

তা হলে পাইব নাথে, বলী-শ্রেষ্ঠ তিনি !’

শুনি বৈদভীর কথা, ধরিতাম ফাঁদে  
রাজহংসে ; দিয়া তারে আহার, পরায়ে

সুবর্ণ ঘুংঘুর পায়ে, কহিতাম কানে,—  
‘যমুনার তীরে পুরী বিখ্যাত জগতে ৮৫

হস্তিনা ;—তথায় তুমি, রাজহংসপতি,

যাও শীঘ্র শূন্য পথে, হেরিবে সে পুরে  
নরোত্তমে ; তাঁর পদে কহিও, ত্রৌপদী



তোমার বিরহে মরে ঋপদ-নগরে !'

এই কথা কয়ে তারে নিতাম ছাড়িয়া ।

৯০

হেরিলে গগনে মেঘে, কহিতাম নমি ;—

' বাহন যাঁহার তুমি, মেঘ-কুল-পতি,

পুত্রবধু তাঁর আমি ; বহ তুলি মোরে,

বহ যথা বারি-ধারা, নাথের চরণে !

জল-দানে চাতকীরে তোম দাতা তুমি,

৯৫

তোমার বিরহে, হায়, তৃষাতুরা যথা

সে চাতকী, তৃষাতুরা আমি, ঘনমণি !

মোর সে বারিদ-পদে দেহ মোরে লয়ে !'

আর কি শুনিবে, নাথ ? উঠিল যৎকালে

জনরব—' জতুগৃহে দহি মাড়-নহ

১০০

ভাজিলা অকালে দেহ পঞ্চ পাণ্ডুরথী'—

কত যে কাঁদিবু আমি, কব তা কাহারে :

কাঁদিবু—বিধবায়েন হইবু যোবনে !

প্রার্থিবু রতির পূজি,—হর-কোপানলে,

হে সতি, পুড়িলা যবে প্রাণ-পতি তব,

১০৫

কত যে মহিলা দুঃখ, তাই স্মরি মনে,

বাঁচাও মদনে মোর,—এই ভিক্ষা মাগি !'

পরে স্বয়ম্বরোৎসব । আঁধার দেখিবু

চৌদিক, পশিবু যবে রাজসভা-মাঝে !

সাধিবু মাটিরে ফাটি হইতে দুখানি !

১১০

দাঁড়াইয়া লক্ষ্য-ভলে কহিবু, ' ধসিয়া

পড় তুমি পোড়া শিরে বজ্রাগ্নি-সদৃশ,

হে লক্ষ্য ! জ্বলিয়া আমি মরি তব তাপে,  
 প্রাণ-পতি জ্বতুগৃহে জ্বলিলা যেমতি !  
 না চাহি বাঁচিতে আর ! বাঁচিব কি সাধে ?' ১১৫

উঠিল সভায় রব,—‘নারিলা ভেদিতে  
 এ অলক্ষ্য লক্ষ্যে আজি ক্ষুদ্ররথী যত ।’—  
 জান তুমি, গুণমণি, কি ঘটিল পরে ।  
 ভস্মরাশি মাঝে গুপ্ত বৈশ্বানর-রূপে  
 কি কাজ করিল তুমি, কে না জানে ভবে, ১২০

রথীশ্বর ? বজ্রবাদে ভেদিল আকাশে  
 মৎস্য-চক্ষুঃ তীক্ষ্ণ শর ! সহসা ভাসিল  
 আনন্দ সলিলে প্রাণ ; শুনিবু সুবাণী  
 ( স্বপ্নে যেন ! ) ‘এই তোর পতি, লো পাঞ্চালি !  
 ফুল-মালা দিয়ে গলে, বর নরবরে !’ ১২৫

চাহিনু বরিতে, নাথ, নিবারিলা তুমি  
 অভাগীর ভাগ্য-দোষে ! তা হলে কি তবে  
 এ বিষম তাপে, হায়, মরিত এ দাসী ?

কিস্তু বৃথা এ বিলাপ !—হৃৎকারি রোষে,  
 লক্ষ রাজরথী যবে বেড়িল তোমারে ; ১৩০

অম্বুরাশি-নাদ সম কম্বুরাশি যবে  
 নাদিল সে স্বয়ম্বরে ;—কি কথা কহিয়া  
 সাহসিলা এ দাসীরে, পড়ে কি হে মনে ?  
 যদি ভুলে থাক তুমি, ভুলিতে কি পারে  
 দ্রৌপদী ? আসন্ন কালে সে সুকথা গুলি ১৩৫  
 জপিয়া মরিব, দেব, মহামন্ত্র-জ্ঞানে !

কহিলে সম্বোধি মোরে সুমধুর স্বরে ;—  
 ‘ আশারূপে মোর পাশে দাঁড়াও, রূপসি !  
 দ্বিগুণ বাড়িবে বল চন্দ্রমুখ হেরি,  
 চন্দ্রমুখি ! যত ক্ষণ ফণীভ্রের দেহে ১৪০  
 থাকে প্রাণ, কার সাধ্য হরে শিরোমণি ?  
 আমি পার্থ !’—কম, নাথ, লাগিল তিতিতে  
 অনর্গল অশ্রুজল এ লিপি ! কেন না,—  
 হায় রে, কেন না আমি মরিনু চরণে  
 সে দিন !—কি লিখি, হায়, না পাই দেখিতে ! ১৪৫  
 আঁধা, বঁধু, অশ্রুণীরে এ তব কিঙ্করী !—●●  
 ●● এত দূর লিখি কালি, ফেলাইনু দূরে  
 লেখনী । আকুল প্রাণ উঠিল কাঁদিয়া  
 স্মরি পূর্ব-কথা যত । বসি তরু-মূলে,  
 হায় রে, তিতিনু, নাথ, নয়ন-আসারে ! ১৫০  
 কে মুছিল চক্ষুঃ জল ? কে মুছিবে কহ ?  
 কে আছে এ অভাগীর এ ভবমণ্ডলে ?  
 ইচ্ছা করে ত্যজি প্রাণ ডুবি জলাশয়ে ;  
 কিম্বা পান করি বিষ ; কিন্তু ভাবি যবে,  
 প্রাণেশ, ত্যজিলে দেহ আর না পাইব ১৫৫  
 হেরিতে ও পদযুগ,—সাস্তুনি পরাণে,  
 তুলি অপমান, লজ্জা, চাহি বাঁচিবারে !  
 অগ্নিতাপে তপ্তা সোণা গলে হে সোহাগে,  
 পায় যদি সোহাগায় ! কিন্তু কহ, রখি,  
 কবে ফিরি আসি দেখা দেবে এ কাননে ? ১৬০

কহ ত্রিদিবের বার্তা । কবীশ্বর তুমি,  
 গাঁথি মধুমাখা গাথা পাঠাও দাসীরে ।  
 ইচ্ছা বড়, গুণমণি, পরিতে অলকে  
 পারিজাত ; যদি তুমি আন সঙ্গে করি,  
 দ্বিগুণ আদরে ফুল পরিব কুস্তলে !

১৬৫

শনেছি কামদা না কি দেবেন্দ্রের পুরী ;—  
 এ দাসীর প্রতি যদি থাকে দয়া হৃদে,  
 ভুলিতে পার হে যদি সুর-বালা-দলে,  
 এ কামনা কামধুকৈ কর দয়া করি  
 পাও যেন অভাগীরে চরণ কমলে

১৭০

ক্ষণ কাল ! জুড়াইব নয়ন সুমতি  
 ও রূপ-মাধুরী হেরি,—ভুলি এ বিচ্ছেদে ;  
 অপ্সরা-বল্লভ তুমি ; নর-নারী দাসী ;  
 তা বল্যে করো না ঘণা—এ মিনতি পদে !  
 স্বর্ণ-অলঙ্কার যারা পরে শিরোদেশে,  
 কণ্ঠে, হস্তে ; পরে না কি রজত চরণে ?

১৭৫

কি ভাবে কাটাই কাল এ বিকট বনে  
 আমরা, কহিব এবে, শুন, গুণনিধি ।  
 ধর্ম-কর্ম রত সদা ধর্মরাজ-ঋষি ;  
 ধোঁম্য পুরোহিত নিত্য ভুবেন রাজনে  
 শাস্ত্রালাপে । যুগয়ায় রত ভ্রাতা তব  
 মধ্যম ; অনুজ-দয়, মহা-ভক্তিভাবে,  
 সেবেন অগ্রজ-দ্বয়ে ; যথা সাধ্য, দাসী  
 নিরীহা, হে মহাবাহু, গৃহ-কার্য্য যত ।

১৮০

কিন্তু ক্লম্মনা সবে তোমার বিহনে ! ১৮৫

স্মরি তোমা অশ্রুণীয়ে তিতেন নৃপতি,  
আর তিন ভাই তব । স্মরিয়া তোমায়ে,  
আকুল এ পোড়া প্রাণ, হায়, দিবা নিশি !  
পাই যদি অবসর, কুটীর তেয়াগি

স্মৃতি-দূতী সহ, নাথ, ভ্রমি একাকিনী, ১৯০  
পূর্কের কাহিনী যত শুনি তাঁর মুখে !

পাণ্ডব-কুল-ভরসা, মহেষ্বাস, তুমি !  
বিমুখিবে তুমি, সখে, সম্মুখ-সম্মরে  
ভীষ্ম দ্রোণ কর্ণ শূরে ; নাশিবে কোঁরবে !

বসাইবে রাজাসনে পাণ্ডু-কুল-রাজে ;— ১৯৫  
এই গীত গায় আশা নিত্য এ আশ্রমে  
এ সঙ্গীত-ধ্বনি, দেব, শুনি জাগরণে ।

শুনি স্বপ্নে নিশাভাগে এ সঙ্গীত-ধ্বনি !

কে শিখায় অস্ত্র তোমা, কহ সুরপুরে,  
অস্ত্রী-কুল-গুণ তুমি ? এই সুর-দলে ২০০

প্রচণ্ড গাণ্ডীব তুমি টঙ্কারি ছংকারে,  
দমিলা খাণ্ডব-রণে ! জিনিলা একাকী  
লক্ষরাজে, রথীরাজ, লক্ষ্য-ভেদ-কালে ।

নিপাতিলা ভূমিতলে বলে ছদ্মবেশী  
কিরাতেরে ! এ ছলনা, কহ, কি কারণে ? ২০৫

এস ফিরি, নররত্ন ! কে ফেরে বিদেশে

সুবতী পড়ীয়ে ঘরে রাধি একাকিনী ;

কিন্তু যদি সুরনারী প্রেম-ফাঁদ পাতি

বঁধে থাকে মনঃ, বঁধু, স্মর ভ্রাতৃ-ক্রয়ে—  
তোমার বিরহ-দুঃখে দুঃখী অহরহ ! ২১০

আর কি অধিক কব ? যদি দয়া থাকে,  
আসি দেখ কি দশায় তোমার বিরহে,  
কি দশায়, প্রাণেশ্বর, নিবাসি এ দেশে !

পাইয়াছি দৈবে, দেব, এ বিজন বনে  
ঋষিপত্নী পুণ্যবতী ; পূর্ক পুণ্য-বলে ২১৫

শ্বেচ্ছাচর পুত্র তাঁর ! তেজস্বী সুশিশু  
দিবামুখে রবি যেম ! বেদ-অধ্যয়নে  
সদা রত ! দয়া করি বহিবেন তিনি,  
মাতৃ-অনুরোধে পত্র, দেবেন্দ্র-সদনে ।  
যথাবিধি পূজা তাঁর করিও সুমতি । ২২০

লিখিলে উত্তর তিনি আনিবেন হেথা ।  
কি কহিনু, নরোত্তম ? কি কাজ উত্তরে ?  
পত্রবহ সহ কিরি আইস এ বনে !

ইতি শ্রীবীরাজনা কাব্যে দ্রৌপদী-পত্রিকা নাম  
ষষ্ঠ সর্গ ।

## সপ্তম সর্গ।

### দুর্যোধনের প্রতি ভানুমতী ।

ভগদত্তপুত্রী ভানুমতী দেবী রাজা দুর্যোধনের পত্নী । কুরুক্ষেত্র  
দুর্যোধন পাণ্ডবকুলের সাঁহিত কুরুক্ষেত্রযুদ্ধে যাত্রা করিলে  
অল্প দিনের মধ্যে রাজমহিষী ভানুমতী তাঁহার নিকট নিম্ন-  
লিখিত পত্রিকাখানি প্রেরণ করিয়াছিলেন । ]

অধীর সতত দাসী, যে অবধি তুমি  
করি যাত্রা পশিয়াছ কুরুক্ষেত্র-রণে !  
নাহি নিদ্রা ; নাহি কচি, হে নাথ, আহারে !  
না পারি দেখিতে চখে খাদ্যদ্রব্য যত ।  
কভু যাই দেবালয়ে ; কভু রাজোদ্যানে ;      ৫  
কভু গৃহ-চূড়ে উঠি, দেখি নিরখিয়া  
রণ-স্থল । রেণু-রাশি গগন আবরে  
ঘন ঘনজালে যেন ; জ্বলে শর-রাশি,  
বিজলীর ঝলা সম ঝলসি নয়নে !  
শুনি দূর সিংহনাদ, দূর শঙ্খ-ধ্বনি.      ১০  
কাঁপে হিয়া ধরধরে ! যাই পুনঃ ফিরি ।  
স্তম্ভের আড়ালে, দেব, দাঁড়িয়ে নীরবে,  
শুনি সঞ্জয়ের মুখে যুদ্ধের বারতা,  
যথা বসি সভাতলে অন্ধ নরপতি !  
কি যে শুনি, নাহি বুঝি—আমি পাগলিনী !      ১৫  
মনের জ্বালায় কভু জলাঞ্জলি দিয়া  
লজ্জায়, পড়িয়া কাঁদি শ্যামুড়ীর পদে,

নয়ন-আসারে ধৌত করি পা ছুখানি !  
 নাহি সরে কথা মুখে, কাঁদি মাত্র খেদে !  
 নারি সাস্তুনিতে মোরে, কাঁদেন মহিষী ;      ২০  
 কাঁদে কুরু-বধু যত ! কাঁদে উচ্চ-রবে,  
 মায়ের আঁচল ধরি, কুরু-কুল-শিশু,  
 তিতি অশ্রুণীরে, হায়, না জানি কি হেতু !  
 দিবা নিশি এই দশা রাজ-অবরোধে ।

কুক্ষণে মাতুল তব—কম দুঃখিনীরে !—      ২৫  
 কুক্ষণে মাতুল তব ক্ষত্র-কুল-গ্লানি,  
 আইল হস্তিনাপুরে ! কুক্ষণে শিখিলা  
 পাপ অক্ষবিদ্যা, নাথ, সে পাপীর কাছে !  
 এ বিপুল কুল, মরি, মজালে দুর্মতি,  
 কাল-কলিরূপে পশি এ বিপুল-কুলে !      ৩০

ধর্মশীল কর্মক্ষেত্রে ধর্মরাজ-সম  
 কে আছে, কহ তা, শুনি ? দেখ ভীমসেনে,  
 ভীম পরাজমী শূর, দুর্কার সমরে !  
 দেব-নর-পূজ্য পার্থ—অব্যর্থ প্রহরী !  
 কত গুণে গুণী, নাথ, নকুল স্মৃতি,      ৩৫  
 সহ শিষ্ঠ সহদেব, জান না কি তুমি ?  
 যেদিনী-সদনে রমা রূপদ-নন্দিনী !  
 কার হেতু এ সবারে ত্যজিলা, ভূপতি ?  
 গঙ্গাজল-পূর্ণ ঘটে, হায়, ঠেলি ফেলি,  
 কেন অবগাহ দেহ কর্মনাশা-জলে ?      ৪০  
 অবহেলি দ্বিজোত্তমে চণ্ডালে ভকতি ?



অম্বু-বিষ, নীরবৃন্দ কুলদূর্বাদলে  
 নহে মুক্তাফল, দেব ! কি আর কহিব ?  
 কি ছলে ভুলিলা তুমি, কে কবে আঁমারে ?

এখনও দেহ ক্রমা, এই ভিক্ষা মাগি, ৪৫  
 কত্রমগি ! ভাবি দেখ,—চিত্রসেন যবে,  
 কুববধুদলে বাঁধি তব সহ রথে,  
 চলিল গন্ধর্ষদেবে, কে রাখিল আসি  
 কুলমান প্রাণ তব, কুকুলমগি ?

বিপদে হেরিলে অরি, আনন্দ-সলিলে ৫০  
 ভাসে লোক ; তুমি যার পরমারি, রাজা,  
 ভাসিল সে অশ্রুণীরে তোমার বিপদে !

হে কৌরবকুলনাথ, তীক্ষ্ণ শরজালে  
 চাহ কি বধিতে প্রাণ তাহার সংগ্রামে,  
 প্রাণ, প্রাণাধিক মান রক্ষিল যে তব ৫৫  
 অসহায় যবে তুমি,—হায়, সিংহসম,  
 আনায় মাঝারে বদ্ধ রিপূর কোঁশলে ?

—হে দয়া, কি হেতু, মাতঃ, এ পাপ সংসারে  
 মানব-হৃদয়ে তুমি কর গো বসতি !

কেন গঙ্গীর্কণে তুমি কণ্ঠদান কর, ৬০  
 রাজেন্দ্র ? দেবতাকুলে জ্বিলিল যে রণে ;  
 তোমা সহ কুকসৈন্যে দলিল একাকী  
 মৎস্যদেশে ; ঐটিবে কি সাধেয় তাহারে ?  
 হায়, বৃথা আশা, নাথ ! শৃগাল কি কভু  
 পারে বিমুখিতে, কহ, যুগেন্দ্র সিংহেরে ? ৬৫

স্বতপুত্র সখা তব ? কি লজ্জা, নৃমণি,  
তুমি চন্দ্রবংশচূড়, ক্ষত্রবংশপতি ?

জানি আমি ভীমবাহু ভীষ্ম পিতামহ ;

দেব-নর-ত্রাস বীর্যে দ্রোণাচার্য্য গুরু ।

শ্বেতপ্রবাহিনী কিন্তু এ দৌহার বহে ৭০

পাণ্ডবসাগরে, কাস্ত, কহিনু তোমারে !

যদিও না হয় তাহা ; তবুও কেমনে,

হায় রে প্রবোধি, নাথ, এ পোড়া হৃদয়ে ?—

উত্তর-গোগৃহ-রণে জিনিল কিরীটী

একাকী এ বীরদ্বয়ে ! সৃজিলা কি, তুমি, ৭৫

দাবাগ্নির রূপে, বিধি, জিহ্নু ফাৎসনীরে

এ দাসীর আশা-বন নাশিতে অকালে ?

শুন, নাথ ; নিদ্রা-আশে মুদি যদি কভু

এ পোড়া নয়ন দুটি ; দেখি মহাভয়ে

শ্বেতঅশ্ব কপিধ্বজ স্যন্দন সম্মুখে ! ৮০

রথমধ্যে কালরূপী পার্থ ! বাম করে

গাণ্ডীব—কোদণ্ডোত্তম ! ইরশ্বদ-তেজা

মর্ম্মভেদী দেব-অস্ত্র শোভে হে দক্ষিণে !

কাঁপে হিয়া ভাবি শুনি দেবদত্তধ্বনি !

গরজে বায়ুজ ধ্বজে কাল মেঘ যেন ! ৮৫

ঘর্ষরে গম্ভীর রবে চক্র, উগরিয়া

কালাগ্নি। কি কব, দেব, কিরীটের আভা ?

আহা, চন্দ্রকলা যেন চন্দ্রচূড়-ভালে !

উজলিয়া দশদিশ, কুর্কসৈন্য পানে

ধায় রথবর বেগে ! পালায় চৌদিকে  
কুরুসৈন্য,—তমঃ-পুঞ্জ রবির দর্শনে  
যথা ! কিম্বা বিহঙ্গম হেরিলে অদূরে  
বজ্রনখ বাজে যথা পালায় কুজনি  
ভীতচিত ; মিলি আঁখি অমনি কাঁদিয়া !

কি কব ভীমের কথা ? মদকল-করী-  
সদৃশ উদ্ভদ ছুট নিধন-সাধনে !

জবায়ুগ-সম আঁখি—রক্তবর্ণ সদা ।  
মার, মার শব্দ মুখে ! ভীম গদা হাতে,  
দওধর হাতে, হায়, কালদণ্ড যথা !

শনেছি লোকের মুখে, দেব-সমাগমে  
ধরিলে দুরন্তে গর্ভে কুন্তী ঠাকুরাণী ।

কিন্তু যদি দেব পিতা, যমরাজ তবে—  
সর্ক-অস্তকারী যিনি ! ব্যাত্রী বুঝি দিল  
দুহু দুষ্টে ! নর-নারী-স্তন-দুহু কভু

পালে কি, কহ, হে নাথ, হেন নর-যমে ?

বাড়িতে লাগিল লিপি ; তবুও কহিব  
কি কুম্বপ, প্রাণনাথ, গত নিশাকালে  
দেখিনু ;—বুঝিয়া দেখ, বিজ্ঞতম তুমি ;  
আকুল সতত প্রাণ না পারি বুঝিতে  
এ কুহক ! গতরাত্রে বসি একাকিনী

শয়নমন্দিরে তব—নিরানন্দ এবে—  
কাঁদিনু ! সহসা, নাথ, পুরিল সৌরভে  
দশদিশ ; পূর্ণচন্দ্র-আভা জিনি আভা

উজ্জ্বলিল চারি দিক ; দাসীর সম্মুখে  
 দাড়াইলা দেববালা—অতুলা জগতে ! ১১৫  
 চমকি চরণযুগে নমিনু সভয়ে ।  
 মুছিয়া নয়নজল, কহিলা কাতরে  
 বিধুমুখী,—‘ বৃথা খেদ, কুরুকুলবধু,  
 কেন তুমি কর আর ? কে পারে খণ্ডাতে  
 বিধির বাঁধন, হায়, এ ভবমণ্ডলে ? ১২০  
 ওই দেখ যুদ্ধক্ষেত্র !’—দেখিনু তরাসে,  
 যত দূর চলে দৃষ্টি, ভীম রণভূমি !  
 বহিছে শোণিত-স্রোত প্রবাহিনী রূপে ;  
 পড়িয়াছে গজরাজি, শৈলশৃঙ্গ যেন  
 চূর্ণ বজ্রে ; হতগতি অশ্ব ; রথাবলী ১২৫  
 ভগ্ন ; শতশত শব ! কেমনে বর্ণিব  
 কত যে দেখিনু, নাথ, সে কাল মশানে !  
 দেখিনু রথীন্দ্র এক শরশয্যোপরি !  
 আর এক মহারথী পত্তিত ভূতলে,  
 কণ্ঠে শূন্যগুণ ধনু;—দাঁড়ায়ৈ নিকটে, ১৩০  
 আশ্ফালিছে অসি অরি মস্তক ছেদিতে !  
 আর এক বীরবরে দেখিনু শয়নে  
 ভূশয্যায় ! রোষে মহী ঐসিয়াছে ধরি  
 রথচক্রে ; নাহি বন্ধে কবচ ; আকাশে  
 আভাহীন ভানুদেব,—মহাশোকে যেন ! ১৩৫  
 অদূরে দেখিনু হ্রদ ; সে হ্রদের তীরে  
 রাজরথী একজন বান গড়াগাড়ি

ভগ্ন-উক ! কাঁদি উচ্ছে, উঠিছু জাগিয়া !

কেন এ কুস্বপ্ন, দেব, দেখাইলা মোরে ?

এস তুমি, প্রাণনাথ, রণ পরিহরি !

১৪০

পঞ্চখানি গ্রাম মাত্র মাগে পঞ্চরথী ।

কি অভাব তব, কহ ? তোষ পঞ্চজনে ;

তোষ অন্ধ বাপ মায়ে ; তোষ অভাগীয়ে ;—

রক্ষ কুকুল, ওহে কুকুলমণি !

ইতি শ্রীবীরাঙ্গনা কাব্যে ভারুমতী পত্রিকা নাম

সপ্তম সর্গ ।

## অষ্টম সর্গ ।



### জয়দ্রথের প্রতি দুঃশলা ।

অক্ষরাজ পুত্ররাষ্ট্রের কন্যা দুঃশলাদেবী সিন্ধুদেশাধিপতি জয়দ্রথের মহিষী । অভিমন্যুর নিধনানন্তর পার্থ যে প্রতিজ্ঞা করিয়াছিলেন, তচ্ছরণে দুঃশলাদেবী নিতান্ত ভীতা হইয়া নিম্নলিখিত পত্রিকাখানি জয়দ্রথের নিকট প্রেরণ করেন । ]

কি যে লিখিয়াছে বিধি এ পোড়া কপালে,  
হায়, কে কহিবে মোরে,—জ্ঞানশূন্য আমি !  
শুন, নাথ, মনঃ দিয়া ;—মধ্যাহ্নে বসিনু  
অন্ধ পিতৃপদতলে, সঞ্জয়ের মুখে  
শনিতে রণের বার্তা । কহিলা স্মৃতি— ৫  
( না জানি পূর্বের কথা ; ছিনু অবরোধে  
প্রবোধিতে জননীরে ; ) কহিলা স্মৃতি  
সঞ্জয়,—‘বেড়িল পুনঃ সপ্ত মহারথী  
সুভদ্রানন্দনে, দেখ ! কি আশ্চর্য্য, দেখ—  
অগ্নিময় দশদিশ পুনঃ শরানলে । ১০  
প্রাণপণে যোঝে যোধ ; হেলায় নিবারে  
অস্ত্রজালে শূরসিংহ ! ধন্য শূরকূলে  
অভিমন্যু !’ নীরবিলা এতেক কহিয়া  
সঞ্জয় । নীরবে সবে রাজসভাতলে  
সঞ্জয়ের মুখপানে রহিলা চাহিয়া । ১৫

‘দেখ, কুকুলনাথ,—পুনঃ আরস্তিলা  
দূরদর্শা,—‘ভঙ্গ দিয়া রণরঙ্গে পুনঃ

পালাইছে সপ্তরথী ! নাদিছে ভৈরবে  
 আর্জুনি, পাবক যেন গহন বিপিনে !  
 পড়িছে অগণ্য রথী, পদাতিক-ব্রজ ; ২০  
 গরজি গরিছে গজ বিষম পীড়নে ;  
 সভয়ে হেষিছে অশ্ব ! হায়, দেখ চেয়ে,  
 কাঁদিছেন পুত্র তব দ্রোণশুরপদে !—  
 মজিল কোরব আজি আর্জুনির রণে !’

কাঁদিল আক্ষেপে পিতা ; কাঁদিয়া মুছিবু ২৫  
 অশ্রুধারা । দূরদর্শী আবার কহিলা ;—  
 ‘ ধাইছে সমরে পুনঃ সপ্ত মহারথী,  
 কুরুরাজ ! লাগে তালি কর্ণমূলে শুনি  
 কোদণ্ড টংকার, প্রভু ! বাজিল নির্যোষে  
 ঘোর রণ ! কোন রথী গুণসহ কাটে ৩০  
 ধনু ; কেহ রথচূড়, রথচক্র কেহ ।  
 কাটিয়া পাড়িলা দ্রোণ ভীম-অস্ত্রাঘাতে  
 কবচ ; মরিল অশ্ব ; মরিল সারথি !  
 রিক্তহস্ত এবে বীর, তবুও যুঝিছে  
 মদকল হস্তী যেন মত্ত রণমদে !’— ৩৫

নীরবিয়া ক্ষণকাল, কহিলা কাতরে  
 পুনঃ দূরদর্শী ;—‘ আহা ! চিররাহু-গ্রাসে  
 এ পৌরব-কুলইন্দু পড়িলা অকালে !  
 অন্যায় সমরে, নাথ, গতজীব, দেখ,  
 আর্জুনি ! হৃদ্ধারে, শুন, সপ্ত জয়ী রথী, ৪০  
 নাদিছে কোরবকুল জয় জয় রবে !

নিরানন্দে ধর্মরাজ চলিলা শিবিরে ।’

হরষে বিষাদে পিতা, শুনি এ বারতা,  
কাঁদিলা ; কাঁদিবু আমি । সহসা ত্যজিয়া  
আসন সঞ্জয় বুধ, কৃতাজ্জলি পুটে, ৪৫

কহিলা সভয়ে,—‘উঠ, কুকুলপতি !  
পূজ কুলদেবে শীত্র জামাতার হেতু !  
ওই দেখ কপিধ্বজে ধাইছে কাণ্ডুনী  
অধীর বিষমশোকে ! গরজে গম্ভীরে  
হনু স্বর্নরথচূড়ে পড়িছে ভূতলে ৫০

খেচর ; ভূচরকুল পালাইছে দূরে !  
ঝকঝকে দিব্য বর্ম ; খেলিছে কিরীটে  
চপলা ; কাঁপিছে ধরা ধর ধর ধরে !  
পাণ্ডু-গণ্ড্রাসে কুক ; পাণ্ডু-গণ্ড্রাসে  
আপনি পাণ্ডব, নাথ, গাণ্ডীবীর কোপে ! ৫৫

মুহুমুহুঃ ভীমবাহু টংকারিছে বামে  
কোদণ্ড—ত্রক্ষাণ্ড্রাস ! শুন কর্ন দিয়া,  
কহিছে বীরেশ রোষে ভৈরব নিনাদে ;—  
‘ কোথা জয়দ্রথ এবে—রোধিল যে বলে  
বাহুমুখ ? শুন, কহি, কত্ররথী যত ; ৬০

তুমি, হে বসুধা, শুন ; তুমি জলনিধি ;  
তুমি, স্বর্গ, শুন ; তুমি, পাতাল, পাতালে ;  
চন্দ্র, সূর্য্য, গ্রহ, তারা, জীব এ জগতে  
আছ যত, শুন সবে ! না বিনাশি যদি  
কালি জয়দ্রথে রণে, মরিব আপনি ! ৬৫



অগ্নিকুণ্ডে পশি তবে যাব ভূতদেশে,  
না ধরিব অস্ত্র আর এ ভব সংসারে !’—

অজ্ঞান ছইয়া আমি পিতৃপদতলে  
পড়ি নু ! যতনে মোরে আনিয়াছে হেথা—  
এই অস্ত্রঃপুরে—চেড়ী পিতার আদেশে । ৭০

কহ এ দাসীরে, নাথ ; কহ সত্য করি ;  
কি দোষে আবার দোষী জিহুর সকাশে  
তুমি ? পূর্বকথা স্মরি চাহে কি দণ্ডিতে  
তোমায় গাণ্ডীবী পুনঃ ? কোথায় রোধিলে  
কোন্ ব্যূহযুধ তুমি, কহ তা আমারে ? ৭৫  
কহ শীঘ্র, নহে, দেব, মরিব তরাসে !  
কাঁপিছে এ পোড়া হিয়া খরখর করি !  
আঁধার নয়ন, হায়, নয়নের জলে !  
নাহি সরে কথা, নাথ, রসশূন্য মুখে !

কাল অজাগর-গ্রাসে পড়িলে কি বাঁচে ৮০  
প্রাণী ? ক্ষুধাতুর সিংহ ঘোর সিংহনাদে  
ধরে যবে বনচরে, কে তারে তাহারে ?  
কে কহ, রক্তবে তোমা, কাণ্ডিনী কবিলে ?

হে বিধাতঃ, কি কুক্ষণে, কোন্ পাপদোষে  
আনিলে নাথেরে হেথা, এ কাল সমরে ৮৫  
তুমি ? শুনিয়াছি আমি, যে দিন জন্মিলা  
জ্যেষ্ঠভ্রাতা, অমঙ্গল ঘটিল সে দিনে !  
নাদিল কাতরে শিবা ; কুকুর কাঁদিল  
কোলাহলে ; শূন্যমার্গে গর্জিল ভীষণে



এক জন জন্যে কেন ত্যজ অন্য জনে,  
কুটুম্ব উভয় তব ?—আর কি কহিব ? ১১৫  
কি ভেদ হে নদদ্বয়ে জন্ম হিমাদ্রিতে ?

তবে যদি গুণ দোষ ধর, নরমণি ;—  
পাপ অক্ষক্রীড়া-ফাঁদ কে পাতিল, কহ ?  
কে আনিল সভাতলে ( কি লজ্জা ! ) ধরিয়া  
রজস্বলা জাত্ববধু ? দেখাইল তাঁরে ১২০  
উরু ? কাড়ি নিতে তাঁর বসন চাহিল—  
উলঙ্কিতে অঙ্গ, মরি, কুলাঙ্গনা তিনি ?  
ভ্রাতার স্মকীর্ত্তি যত, জ্ঞান না কি তুমি ?  
লিখিতে শরমে, নাথ, না সরে লেখনী !

এস শীঘ্র, প্রাণসখে, রণভূমি ত্যজি ! ১২৫  
নিন্দে যদি বীরবৃন্দ তোমায়ে, হামিও  
স্বমন্দিরে বসি তুমি ! কে না জানে, কহ,  
মহারথী রথীকূলে সিদ্ধু-অধিপতি ?  
যুঝেছ অনেক যুদ্ধে ; অনেক বধেছ  
রিপু ; কিন্তু এ কোন্সেয়, হায়, ভবধামে ১৩০  
কে আছে প্রহরী, কহ, ইহার সদৃশ ?  
ক্ষত্রকুল-রথী তুমি, তবু নরযোনি ;  
কি লাজ তোমার, নাথ, ভঙ্গ যদি দেহ  
রণে তুমি হেরি পার্শে, দেবযোনি-জয়ী ?  
কি করিলা আখণ্ডল খাণ্ডব দাহনে ? ১৩৫  
কি করিলা চিরসেন গন্ধর্বাধিপতি ?  
কি করিলা লক্ষরাজা স্বয়ম্বর কালে ?

স্মর, প্রভু ! কি করিলা উত্তর গোগৃহে  
কুকসৈন্য নেতা যত পার্শ্বের প্রতাপে ?  
এ কালাগ্নি কুণ্ডে কহ, কি সাথে পশিবে ? ১৪০  
কি সাথে ডুবিলে হায়, এ অতল জলে :

ভুলে যদি থাক মোরে, ভুলনা নন্দনে  
সিন্ধুপতি ;—মনিভঞ্জে ভুল না, নৃমণি !  
নিশার শিশির যথা পালয়ে মুকুলে  
রসদানে ; পিতৃশ্বেহ, হায় রে, ঠৈশশবে ১৪৫  
শিশুর জীবন, ঝাধ, কহিনু তোমারে !

জানি আমি কহিতেছে আশা তব কানে—  
মায়াবিনী !—‘ জ্যেষ্ঠ গুণ সেনাপতি এবে ;  
দেখ কর্ণ ধনুর্ধরে ; অশ্বখামা শূরে ;  
রূপাচার্য্যে ; দুর্ঘ্যোধনে—ভীম গদাপাণি ! ১৫০  
কাহারে ডরাও তুমি, সিন্ধুদেশপতি ?  
কে সে পার্শ্ব ? কি সামর্থ্য তাহার নাশিতে  
তোমায় ?’—শুন না, ঝাধ, ও মোহিনী বাণী !  
হায়, মরীচিকা আশা ভব-মকভূমে !  
মুদি আশি ভাব,—দাসী পড়ি পদতলে ; ১৫৫  
পদতলে মনিভঞ্জে কাঁদিছে নীরবে !

ছদ্মবেশে রাজদ্বারে থাকিব দাঁড়ারে  
নিশীথে ; থাকিবে সঙ্গে নিপুণিকা সখী,  
লয়ে কোলে মনিভঞ্জে । এসো ছদ্মবেশে,  
না কয়ে কাহারে কিছু ! অবিলম্বে যাব ১৬০  
এ পাপ নগর ত্যজি সিন্ধুরাজ্যে !

କମ୍ପୋତମିଥୁନ ସମ ଯାବ ଊଡ଼ି ନୀଡ଼େ !—  
ସଟୁକ ଯା ଥାକେ ଭାଗ୍ୟେ କୁକ ପାଠୁ କୁଳେ !

ଇତି ଶ୍ରୀବୀରାଜନାକାବ୍ୟେ ହଃଶଙ୍ଗାପତ୍ରିକା ନାମ  
ଅଷ୍ଟମ ସର୍ଗ !



## নবম সর্গ।



### শাস্তুর প্রতি জাহ্নবী।

[ জাহ্নবীদেবীর বিরহে রাজা শাস্তু একান্ত কাতর হইয়া রাজ্যাদি পরিত্যাগ পূর্বক বহু দিবস গঙ্গাভীরে উদাসীনভাবে কালাতিপাত করেন। অষ্টম বস্তু অবতার দেবব্রত (যিনি মহাভারতীয় ইতিহাসে ভীষ্ম পিতামহ নামে প্রথিত) বয়ঃপ্রাপ্ত হইলে, জাহ্নবীদেবী নিম্ন-লিখিত পত্রিকা খানির সহিত পুত্রবরকে রাজসম্মিধানে প্রেরণ করিয়াছিলেন। ]

বৃথা তুমি, নরপতি, ভ্রম মম তীরে,—

বৃথা অশ্রুজল তব, অনর্গল বহি,

মম জলদল সহ মিশে দিবানিশি !

ভুল ভূতপূর্বকথা, ভুলে লোক যথা

স্বপ্ন—নিদ্রা-অবসানে ! এ চিরবিচ্ছেদে

৫

এই হে ঔষধ মাত্র, কহিনু তোমারে !

হর-শির-নিবাসিনী হরপ্রিয়া আমি

জাহ্নবী। তবে যে কেন নরনারীরূপে

কাটাইনু এত কাল তোমার আলয়ে,

কহি, শুন। ঋষিশ্রেষ্ঠ বশিষ্ঠ সরোষে

১০

ভূতলে জন্মিতে শাপ দিলা বসুদলে

যে দিন, পড়িল তারা কাঁদি মোর পদে,

করিয়া মিনতি স্তুতি নিকৃতির আশে।

দিনু বর—‘মানবিনী ভাবে ভবতলে

ধরিব এ গর্ভে আমি তোমা সবাকারে।’

১৫

ধরিনু তোমারে সাথে, নরবর ভূমি,  
কোরব ! ঔরসে তব ধরিনু উদরে  
অষ্টশিশু,—অষ্টবসু তারা, নরমণি !  
ফুটিল এক যুগালে অষ্ট সরোকহ !  
কত যে পুণ্য হে তব, দেখ ভাবি মনে !

২০

সপ্তজন ত্যজি দেহ গেছে স্বর্গধামে ।  
অষ্টম নন্দনে আজি পাঠাই নিকটে ;  
দেবনররূপী রত্নে এহ যত্নে তুমি,  
রাজন্ ! জাহ্নবীপুত্র দেবত্রত বলী  
উজ্জলিবে বংশ তব, চন্দ্রবংশপতি ;—  
শোভিবে ভারত-ভালে শিরোমণিরূপে,  
যথা আদিপিতা তব চন্দ্রচূড়-চূড়ে !

২৫

পালিয়াছি পুত্রবরে আদরে, নৃমণি,  
তব হেতু । নিরখিয়া চন্দ্রমুখ, ভুল  
এ বিচ্ছেদ-দুঃখ তুমি । অখিল জগতে,  
নাহি হেন গুণী আর, কহিনু তোমারে !  
মহাচল-কুল-পতি হিমাচল যথা ;  
নদপতি সিন্ধুনদ ; বন-কুলপতি  
খাণ্ডব ; রথীন্দ্রপতি দেবত্রত রথী—  
বশিষ্ঠের শিষ্যশ্রেষ্ঠ ! আর কব কত ?  
আপনি বাগ্‌দেবী, দেব, রসনা-আসনে  
আসীনা ; ছন্দয়ে দয়া, কমলে কমলা ;  
যমসম বল ভুজে ! গহন বিপিনে  
যথা সর্সভুক্ বহি, দুর্কার সমরে !

৩০

৩৫

তব পুণ্যবৃক্ষ-ফল এই, নরপতি ! ৪০

স্নেহের সরসে পদ্ম ! আশার আকাশে  
পূর্ণশশী ! যত দিন ছিনু তব গৃহে,  
পাইনু পরম প্রীতি ! কৃতজ্ঞতাপাশে  
বেঁধেছ আমারে তুমি ; অভিজ্ঞানরূপে  
দিতেছি এ রত্ন আমি, গ্রহ, শাস্ত্রমতি । ৪৫

পত্নীভাবে আর তুমি ভেবোনা আমারে ।  
অসীম মহিমা তব ; কুল মান ধনে  
নরকুলেশ্বর তুমি এ বিশ্বমণ্ডলে !  
তরুণ যৌবন তব ;—যাও ফিরি দেশে ;—  
কাতরা বিরহে তব হস্তিনা নগরী ! ৫০

যাও ফিরি, নরবর, আন গৃহে বরি  
বরাস্বী রাজস্রবালে ; কর রাজ্য সুখে !  
পাল প্রজা ; দম রিপু ; দণ্ড পাপাচারে—  
এই হে সুরাজনীতি ;—বাড়াও সতত  
সতের আদর সাধি সংক্রিয়া যতনে ! ৫৫

বরিও এ পুত্রবরে যুবরাজ পদে  
কালে । মহাযশা পুত্র হবে তব সম,  
যশস্বি ; প্রদীপ যথা জ্বলে সমতেজে  
সে প্রদীপ সহ, যার তেজে সে তেজস্বী !

কি কাজ অধিক করে ? পূর্বকথা ভুলি, ৬০  
করি ধোঁত ভক্তিরসে কামগত মনঃ,  
প্রণম সার্ঘ্যক্কে, রাজা ! শৈলেন্দ্রনন্দিনী  
কজ্জেন্দ্রগৃহিণী গঙ্গা আশীষে তোমারে



যত দিন ভবধামে রহে এ প্রবাহ,  
 ঘোষিবে তোমার যশ, গুণ, ভবধামে ! ৬৫  
 কহিবে ভারতজন,—ধন্য ক্ষত্রকুলে  
 শাস্ত্রনু, তনয় যাঁর দেবত্রত রথী !

লয়ে সন্ধে পুত্রধনে যাও রন্ধে চলি  
 হস্তিনায়, হস্তিগতি ! অস্তুরীক্ষে থাকি  
 তব পুরে, তব স্মখে হইব হে স্মখী, ৭০  
 তনয়ের বিধুমুখ হেরি দিবানিশি !

ইতি শ্রীবিরাঙ্গনা কাব্যে জাহ্নবীপত্রিকা নাম  
 নবমঃ সর্গঃ ।

## দশম সর্গ।



### পুরুরবার প্রতি উর্কশী।

[ চন্দ্রবংশীয় রাজা পুরুরবা কোন সময়ে কেশী নামক দৈত্যের হস্ত হইতে উর্কশীকে উদ্ধার করেন। উর্কশী রাজার রূপ-লাবণ্যে মোহিত হইয়া তাঁহাকে এই নিম্নলিখিত পত্রিকাখানি লিখিয়াছিলেন। পাঠকবর্গ কবি কালিদাসকৃত বিক্রমোর্কশী নামত্রোটক পাঠ করিলে, ইহার সবিশেষ বৃত্তান্ত জানিতে পারিবেন। ]

স্বর্গচ্যুত আজি, রাজা, তব হেতু আমি।—

গত রাত্রে অভিনিম্ন দেব-নাট্যশালে

লক্ষ্মীস্বয়ম্বর নাম নাটক ; বাকুণী

সাজিল মেনকা ; আমি অস্তোজা ইন্দ্রিরা ।

কহিলা বাকুণী,—‘ দেখ নিরখি চৌদিকে, ৫

বিধুমুখি ! দেবদল এই সভাতলে ;

বসিয়া কেশব ওই ! কহ মোরে, শুনি,

কার প্রতি ধায় মনঃ ?’—ঔকশিকা ভুলি,

আপন মনের কথা দিয়া উত্তরিমু—

‘ রাজা পুরুরবা প্রতি !’—হাসিলা কোতুকে ১০

মহেন্দ্র ইন্দ্রাণী সহ, আর দেব বত ;

চারি দিকে হাস্যধ্বনি উঠিল সভাতে !

সরোষে ভরতঋষি শাপ দিলা মোরে !

শুন, নরকুলনাথ ! কহিনু যে কথা

মুক্তকণ্ঠে কালি আমি দেব সভাতলে, ১৫

কহিব সে কথা আজি—কি কাজ শরমে ?—

কহিব সে কথা আজি তব পদযুগে !  
 যথা বহে প্রবাহিনী বেগে সিন্ধুনীরে,  
 অবিরাম ; যথা চাহে রবিচ্ছবি পানে  
 স্থির আঁধি সূর্য্যমুখী ; ও চরণে রত ২০

এ মনঃ !—উর্কশী, প্রভু, দাসী হে তোমারি !

যুগা যদি কর, দেব, কহ শীঘ্র, শুনি ।

অমরা অপ্সরা আমি, নারিব ত্যজিতে

কলেবর ; ঘোরবনে পশি আরম্ভিব

তপঃ তপস্বিনীবেশে, দিয়া জলাঞ্জলি ২৫

সংসারের সুখে, শূর ! যদি রূপা কর,

তাও কহ ; যাব উড়ি ও পদ-আশ্রয়ে,

পিঞ্জর ভাঙিলে উড়ে বিহঙ্গিনী যথা

নিকুঞ্জে ! কি ছার স্বর্গ তোমার বিহনে ?

শুভক্লেবে কেশী, নাথ, হরিল আমারে ৩০

হেমকুটে । এখনও বসিয়া বিরলে

ভাবি সে সকল কথা ! ছিনু পড়ি রখে,

হায় রে, কুরঙ্গী যথা কৃত অস্ত্রাঘাতে !

সহসা কাঁপিল গিরি ! শুনি চমকি

রথচক্রধ্বনি দূরে শতশ্রোতঃ সম ! ৩৫

শুনি গম্ভীর নাদ—‘ অরে রে দুর্মতি,

মুহূর্ত্তে পাঠাব তোরে শমনভবনে,—

প্রতিনাদরূপে কেশী নাদিল তৈরবে !

হারাইনু জ্ঞান আমি সে ভীষণ যনে !

পাইনু চেতন যবে, দেখিনু সম্মুখে ৪০

চিত্রলেখা সখী সহ ও রূপমাধুরী—  
 দেবী মানবীর বাঞ্ছা! উজ্জ্বল দেখিনু  
 দ্বিগুণ হে গুণমণি, তব সমাগমে  
 হেমকুট হৈমকাস্তি—রবিকরে যেন !

রহিনু মুদিয়া আঁখি শরমে, নৃমণি ; ৪৫  
 কিন্তু এ মনের আঁখি মীলিল হরষে,  
 দিনান্তে কমলাকান্তে হেরিলে যেমতি  
 কমল ! ভাসিল হিয়া আনন্দ-সলিলে !

চিত্রলেখা পানে তুমি কহিলা চাহিয়া—  
 ‘ যথা নিশা, হে রূপসি, শশীর মিলনে ৫০  
 তমোহীনা ; রাত্রিকালে অগ্নিশিখা যথা  
 ছিন্নধুমপূজা কায়া ; দেখ নিরখিয়া,  
 এ বরাদ্ধ বরকুচি রিচ্যমান এবে  
 মোহান্তে ! ভাঙিলে পাড়, মলিনসলিলা  
 হয়ে ক্ষণ, এইরূপে বহেন জাহ্নবী ৫৫  
 আবার প্রসাদে, শুভে !’ —আর যা কহিলে,  
 এখনো পড়িলে মনে বাখানি, নৃমণি,  
 রসিকতা ! নরকুল ধন্য তব গুণে !  
 এ পোড়া হৃদয় কম্পে কম্পবান দেখি  
 মন্দারের দাম বক্ষে, মধুহৃন্দে তুমি ৬০  
 পড়িলা যে শ্লোক, কবি, পড়ে কি হে মনে ?  
 মিয়মাণ জন যথা শুনে ভক্তিভাবে  
 জীবনদায়ক মন্ত্র, শুনিল উর্কশী,  
 হে সুধাংশু-বংশ-চূড়, তোমার সে গাথা !

সুরবালা মনঃ তুমি ভুলালে সহজে, ৬৪

নররাজ ! কেনই বা না ভুলাবে, কহ ?—

সুরপুর-চির-অরি অধীর বিক্রমে

তোমার, বিক্রমাদিত্য ! বিধাতার বরে,

বজ্রীর অধিক বীর্য্য তব রণস্থলে !

মলিন মনোজ্ঞ লাজে ও সৌন্দর্য্য হেরি ! ৭০

তব রূপগুণে তবে কেন না মজিবে

সুরবালা ? শুন, রাজা ! তব রাজবনে

স্বয়ম্বরবধু-লতা বরে সাধে যথা

রসালে, রসালে বরে তেমতি নন্দনে

স্বয়ম্বরবধু-লতা ! রূপগুণাধীনা ৭৫

নারীকুল, নরশ্রেষ্ঠ, কি ভবে কি দিবে—

বিধির বিধান এই, কহিনু তোমরে !

কঠোর তপস্যা নর করি যদি লভে

স্বর্গভোগ ; সর্ব্ব অগ্রে বাঞ্ছে সে ভুঞ্জিতে

যে স্থির-যৌবন-সুখা — অর্পিব তা পদে ! ৮০

বিকাইব কালমনঃ উভয়, নৃমণি,

আসি তুমি কেন দৌছে প্রেমের বাজারে !

উক্লীধামে উক্লীশীরে দেহ স্থান এবে,

উক্লীশ ! রাজস্ব দাসী দিবে রাজপদে

প্রজ্ঞাভাবে নিত্য যত্নে । কি আর লিখিব ? ৮৫

বিষের ঔষধ বিষ,—শুনি লোকমুখে ।

মরিতেছিহু, নৃমণি, জ্বলি কামবিষে,

ওঁই শাপবিষ বুঝি দিয়াছেন ঋষি,

রূপা করি ! বিজ্ঞ তুমি, দেখ হে ভাবিয়া !  
 দেহ আজ্ঞা, নরেশ্বর, সুরপুর ছাড়ি ২০  
 পড়ি ও রাজীব-পদে, পড়ে বারিধারা  
 যথা, ছাড়ি মেঘাশ্রয়, সাগর আশ্রয়ে,—  
 নীলাম্বুরাশির সহ মিশিতে আমোদে ।  
 লিখিনু এ লিপি বসি মন্দাকিনী তীরে  
 নন্দনে । ভূমিষ্ঠভাবে পূজিয়াছি, প্রভু, ২৫  
 কম্পতরুবরে, করে মনের বাসনা ।  
 সুপ্রফুল্ল ফুল দেব পড়িয়াছে শিরে ।  
 বীচিরবে হরপ্রিয়া শ্রবণ-কুহরে  
 আমার কহেন—‘ তুই হবি ফলবতী ।’  
 এ সাহসে, মহেষ্টাস, পাঠাই সকাশে ১০০  
 পত্রিকা-বাহিকা সখী চাক-চিত্রলেখা ।  
 থাকিব নিরখি পথ, স্থির-অঁখি হয়ে  
 উত্তরার্থে, পৃথ্বীনাথ !—নিবেদনমিতি !

ইতি শ্রীবীরঙ্গনা কাব্যে উর্ধ্বশীপত্রিকা নাম  
 দশমঃ সর্গঃ ।

## একাদশ সর্গ।



### নীলধ্বজের প্রতি জনা।

[ মাচেশ্বরী পুরীর যুবরাজ প্রবীর অশ্বমেধ-বস্ত্রাশ্ব ধরিলে,—  
পার্ব তাহাকে রণে নিহত করেন। রাজা নীলধ্বজ রায় পার্ণের  
সহিত বিবাদপরাজু হইয়া সন্ধি করিতে, রাজ্ঞী জনা পুঞ্জ-  
শোকে একান্ত কাতরা হইয়া এই নিম্নলিখিত পত্রিকাখানি রাজ-  
সমীপে প্রেরণ করেন। পাঠকবর্গ মহাভারতীয় অশ্বমেধপর্ক  
পাঠ করিলে ইহার সবিশেষ বৃত্তান্ত অবগত হইতে পারিবেন। ]

বাজিছে রাজ-তোরণে রণবাদ্য আজি ;

হুবে অশ্ব ; গজের্জ গজ ; উড়িছে আকাশে

রাজকেতু ; মুহুমুহুঃ হুকারিছে মাতি

রণমদে রাজসৈন্য ;—কিস্তু কোন্ হেতু ?

সাজিছ কি, নররাজ, যুঝিতে সদলে—

৫

প্রবীর পুন্নের মৃত্যু প্রতিবিধিৎসিতে,—

নিবাইতে এ শোকাগ্নি ফাল্গুনীর লোহে ?

এই তো সাজে তোমারে, ক্ষত্রমণি তুমি,

মহাবাহু ! যাও বেগে গজরাজ যথা

যমদণ্ডসম শুণ্ড আক্ষালি নিনাদে !

১০

টুট কিরীটীর গর্জ আজি রণস্থলে !

ধণ্ডমুণ্ড তার আন শূল-দণ্ড-শিরে !

অন্যায় সমরে মৃঢ় নাশিল বালকে ;

নাশ, মহেঘাস, তারে ! ভুলিব এ জ্বালা,

এ বিধম জ্বালা, দেব, ভুলিব সত্বরে !

১৫

জন্মে মৃত্যু ;—বিধাতার এ বিধি জগতে ।

কত্রকুল-রত্ন পুত্র প্রবীর সুমতি,  
 সম্মুখসমরে পড়ি, গেছে স্বর্গধামে,—  
 কি কাজ বিলাপে, প্রভু ? পাল, মহীপাল,  
 কত্রধর্ম, কত্রকর্ম সাধ ভুজবলে । ২০

হায়, পাগলিনী জনা ! তব সভামাঝে  
 নাচিছে নর্তকী আজি, গায়ক গাইছে,  
 উখলিছে বীণাধরি ! তব সিংহাসনে  
 বসিছে পুত্রহা রিপু—মিত্রোত্তম এবে !  
 সেবিছ যতনে তুমি অতিথি-রতনে ।— ২৫

কি লজ্জা ! দুঃখের কথা, হায়, কব কারে ?  
 হতজ্ঞান আজি কি হে পুত্রের বিহনে,  
 মাহেশ্বরী-পুরীশ্বর নীলধ্বজ রথী ?  
 যে দাক্ষণ বিধি, রাজা, আঁধারিলা আজি  
 রাজ্য, হরি পুত্রধনে, হরিলা কি তিনি ৩০  
 জ্ঞান তব ? তা না হলে, কহ মোরে, কেন  
 এ পাষণ্ড পাণ্ডুরথী পার্থ তব পুরে  
 অতিথি ? কেমনে তুমি, হায়, মিত্রভাবে  
 পরশ সে কর, বাহা প্রবীরের লোহে  
 লোহিত ? কত্রিধর্ম এই কি, নৃমণি ? ৩৫  
 কোথা ধনু, কোথা ভূগ, কোথা চর্ম, অসি ?  
 না ভেদি রিপুর বন্ধ ভীক্ষুতম শরে  
 রণক্ষেত্রে, মিচালাপে তুবিছ কি তুমি  
 কর্ণ তার সভাতলে ? কি কহিবে, কহ,  
 যবে দেশ-দেশান্তরে জনরব লবে ৪০



এ কাহিনী,—কি কহিবে ক্ষত্রপতি যত ?

নরনারায়ণ-জ্ঞানে, শুনিবু, পূজিছ  
পার্শ্ব রাজা, ভক্তিভাবে ;—এ কি আশ্চি তব ?  
হায়, ভোজবালা কুম্ভী—কে না জানে তারে,  
শৈরিণী : তনয় তার জারজ অর্জুনে ৪৫  
( কি লজ্জা. ) কি গুণে তুমি পূজ, রাজরথি,  
নরনারায়ণ-জ্ঞানে ? রে দাক্ষণ বিধি,

এ কি লীলাখেলা তোর, বুঝিব কেমনে ?  
এক মাত্র পুত্র দিয়া নিলি পুনঃ তারে  
অকালে ! আছিল মান,—তাও কি নাশিলি ? ৫০  
নরনারায়ণ পার্থ ? কুলটা যে নারী—

বেশ্যা—গর্ভে তার কি হে জনমিলা আসি  
হৃষীকেশ ? কোন্ শাস্ত্রে, কোন্ বেদে লেখে—  
কি পুরাণে—এ কাহিনী ? দ্বৈপায়ন ঋষি  
পাণ্ডব-কীর্তন গান গায়েন সতত । ৫৫

সত্যবতীসুত ব্যাস বিখ্যাত জগতে !  
ধীবরী জননী, পিতা ব্রাহ্মণ ! করিলা  
কামকেলি লয়ে কোলে ভ্রাতৃবধূদ্বয়ে  
ধর্মমতি ! কি দেখিয়া, বুঝাও দাসীরে,  
গ্রোহ কর তাঁর কথা, কুলাচার্য্য তিনি ৬০

কু-কুলের ? তবে যদি অবতীর্ণ হবে  
পার্ষ্বরূপে পীতাম্বর, কোথা পদ্মালয়া  
ইন্দ্রিরা ? দ্রৌপদী বুঝি ? আঃ মরি, কি সতী !  
শাণ্ডীর যোগ্য বধু ! পৌরব-সরসে

নলিনী ! অলির সখী, রবির অধীনী, ৬৫  
 সমীরণ-প্রিয়া । ধিক্ ! হাসি আসে মুখে,  
 ( হেন দুঃখে ) ভাবি যদি পাঞ্চালীর কথা !  
 লোক-মাতা রমা কি হে এ ভ্রষ্টা রমণী ?

জানি আমি কহে লোক রথীকুল-পতি  
 পার্শ্ব । মিথ্যা কথা, নাথ ! বিবেচনা কর, ৭০  
 সূক্ষ্ম বিবেচক তুমি বিখ্যাত জগতে ।—

ছদ্মবেশে লক্ষ রাজে ছিলি দুর্মতি  
 স্নয়স্বরে । যথাসাধ্য কে যুঝিল, কহ,  
 ব্রাহ্মণ ভাবিয়া তারে, কোন্ ক্ষত্ররথী,  
 সে সংগ্রামে ? রাজদলে তেঁই সে জিতিল ! ৭৫  
 দহিল খাণ্ডব দুষ্ঠ রুক্ষের সহায়ে ।

শিখণ্ডীর সহকারে কুরুক্ষেত্র রণে  
 পৌরব-গৌরব ভীষ্ম বৃদ্ধ পিতামহে  
 সংহারিল মহাপাপী ! দ্রোণাচার্য্য গুরু,—  
 কি কুহলে নরোধম বধিল তাঁহারে, ৮০

দেখ মরি ? বনুন্ধরা গ্রাসিলা সরোষে  
 রথচক্র যবে, হায় ; যবে ব্রহ্মশাপে  
 বিকল সমরে, মরি, কর্ন মহাযশাঃ,  
 নাশিল বর্ষের তাঁরে । কহ মোরে, শুনি,  
 মহারথী-প্রথা কি হে এই, মহারথি ? ৮৫

আনায়-মাঝারে আনি যুগেন্দ্রে কোঁশলে  
 বধে ভীকচিত ব্যাধ ; সে যুগেন্দ্র যবে  
 নাশে রিপু, আক্রমে সে নিজ পরাক্রমে !

কি না তুমি জান রাজা ? কি কব তোমারে ?  
 জানিয়া শুনিয়া তবে কি ছলনে তুল ১০  
 আত্মশ্লাঘা, মহারথি : হায় রে কি পাপে,  
 রাজ-শিরোমণি রাজা নীলধ্বজ আজি  
 নতশির,—হে বিধাতঃ ! —পার্শ্বের সমীপে ?  
 কোথা বীরদর্প তব ? মানদর্প কোথা ?  
 চণ্ডালের পদধূলি ত্র্যক্ষণের ভালে ? ১৫  
 কুরঙ্গীর অশ্রুবারি নিবায় কি কভু  
 দাবানলে ? কোকিলের কাকলী-লহরী  
 উচ্চনাদী প্রভঞ্জে নীরবয়ে কবে ?  
 ভীকতার সাধনা কি মানে বলবাহু ?

কিন্তু বৃথা এ গঞ্জনা । গুরুজন তুমি ; ১০০  
 পড়িব বিষম পাপে গঞ্জিলে তোমারে ।  
 কুলনারী আমি, নাথ, বিধির বিধানে  
 পরাধীনা ! নাহি শক্তি মিটাই স্ববলে  
 এ পোড়া মনের বাহু ! ছরস্ব কালুণী  
 ( এ কৌন্তেয় যোধে ধাতা সৃজিলা নাশিতে ১০৫  
 বিশ্বমুখ ! ) নিঃসন্তানা করিল আমারে !  
 তুমি পতি, ভাগ্যদোষে বাম মমপ্রতি  
 তুমি ! কোন্ সাধে প্রাণ ধরি ধরাধামে ?  
 হায়রে, এ জনাকীর্ণ ভবস্থল আজি  
 বিজন জনার পক্ষে ! এ পোড়া ললাটে ১১০  
 লিখিলা বিধাতা বাহা, ফলিল তা কালে !—

হা প্রবীর ! এই হেতু ধরিনু কি তোরে,



দশমাস দশদিন নানা যত্ন সয়ে,  
 এ উদরে ? কোন্ জন্মে, কোন্ পাপে পাপী  
 তোর কাছে অভাগিনী, তাই দিলি বাছা, ১১৫  
 এ তাপ ? আশার লতা তাই রে ছিঁড়িলি ?  
 হা পুত্র ! শোধিলি কি রে তুই এই রূপে  
 মাতৃধার ? এই কি রে ছিল তোর মনে ?—  
 কেন বৃথা, পোড়া আঁখি, বরষিস্ আজি  
 বারিধারা ? রে অবোধ, কে মুছিবে তোরে ? ১২০  
 কেন বা জ্বলিস্, মনঃ ? কে জুড়াবে আজি  
 বাক্য-সুধারসে তোরে ? শাওবের শরে  
 খণ্ড শিরোমণি তোর ; শিবরে লুকায়ে,  
 কাঁদি খেদে, মর, অরে মণিহারী ফণি !—

যাও চলি, মহাবল, যাও কুরুপুরে ১২৫  
 নবমিত্র পার্শ্ব সহ ! মহাযাত্রা করি  
 চলিল অভাগা জনা পুত্রের উদ্দেশে !  
 ক্ষত্র-কুলবালা আমি ; ক্ষত্র-কুল-বধু ;  
 কেমনে এ অপমান সব ঠৈর্ষ্য ধরি ?  
 ছাড়িব এ পোড়া প্রাণ জাহ্নবীর জলে ; ১৩০  
 দেখিব বিস্মৃতি যদি কৃতান্তনগরে  
 লভি অস্তে ! যাচি চির বিদায় ও পদে !  
 ফিরি যবে রাজপুরে প্রবেশিবে আসি,  
 নরেশ্বর, “ কোথা জনা ? ” বলি ডাক যদি,  
 উত্তরিবে প্রতিধ্বনি “ কোথা জনা ? ” বলি ! ১৩৫

ইতিশ্রীবীরাজনা কাব্যে জনাপত্রিকা নাম



















# বীরাজনা কাব্য ।

শ্রীমাইকেল মধুসূদন দত্ত  
প্রণীত ।



তৃতীয়বার মুদ্রিত ।

কলিকাতা ।

শ্রীঈশ্বরচন্দ্র বসু কোং বহুবাজারস্থ ১৭২ সংখ্যক  
ভবনে ফ্যান্‌হোপ্‌ যন্ত্রে যন্ত্রিত ।

সন ১২৭৫ সাল ।



# মঙ্গলাচরণ ।



বঙ্গকুলচূড়া

শ্রীযুক্ত ঈশ্বরচন্দ্র বিদ্যাসাগর মহোদয়ের

চিরস্মরণীয় নাম

এই অভিনব কাব্যশিখরে শিরোমণিরূপে

স্থাপিত করিয়া,

কাব্যকার

ইহা

উক্ত মহাগ্ৰন্থবের নিকট

যথোচিত সম্মানেঃ সহিত

উৎসর্গ করিল ।

ইতি ।

সন ১২৬৮ সাল । ১৬ই ফাল্গুন ।

